

新刊經進詳註昌黎先生文集

詳註韓文引

殿中侍御史杜莘老

韓愈唐大儒也聞聖人而師之自
束帶立朝即觝排異端攘斥佛
老囂囂然鳴道以為已任懼
之害熾於楊墨故其言矯拂與世
矛盾舊史無卓少小從而

為人不通世務而述作紕謬之目

當時均以為然矣況復望中此

主聽納其一二乎觀其平居抗

法倣

偉橫厲一出乎正班之孔門當與游

夏爭衡柰何遭唐不競吾道寢

蕪故其文亦遂湮微可為慨嘆者

矣綿祀數百君萬懷愴有神用之

俾受姓于歐陽氏至和嘉祐間復
以文鳴固常撫韓作於蠹簡中正
其訛舛張而大之自是天下學士始
知斯文有師佛老異端不排自熄
於乎蘊而必發窒而必通雖時有
否泰亦厥理然耳今文謹者尊崇
山斗力於趙德李漢盡搜經史百

家之書詳為之註考定年月軋其
其文之首其中質疑闕發隱秘章
分句斷以闢面墻俾讀之者煥然
在目而韓氏之歆服亦于以心通而
意會若歐可作豈無一言以進之
萃老於是乎云

進詳註昌黎先生文表

臣謹言煌煌北極環列宿以中居浩浩滄溟擁百川而四會大

聖王之高拱錄片善以兼收賢無在野之遺士有獻能之悅輒伸丹懇仰觸

天聰臣謹誠惶誠恐頓首頓首竊以道本無名由聖人而強立言何所藉自六籍以交傳其倫則父子君臣其文則仁義禮樂在箕子謂之皇極於子思乃曰中庸雖至愚之夫婦皆可與行彼目古之聖賢莫不由此二而上者不過斯道

推而行之乃存乎人爰自六德襄微杏壇蕪穢
三千人會議於稷下七十子散游於諸侯傳之
者既失其真自相矛盾學之者競求於異致失
本原九流由是以互分邪說乘茲而遂熾襲其
非而勝其是入者主而出者奴幸而孟軻以辯
翼之於前荀卿以正宗之於後蓋空言雖戾於
當日俾天下悉歸於聖門皆二子之使然迄于
今而是賴適元和之臨御崇釋氏以祈禳日觀
禮於空王遂遠迎於佛骨上所好者下必甚化
既行而人斯從搢紳咸服於幽禪絃誦反聞於

梵唄惟愈也氣可吞於河嶽忠不避於雷霆抗
誠丹陛而翼可回天逆折群凶而終無撓志欲
以二帝三王之道一清四方萬里之心厥身雖
竄於南荒學者幸瞻於北斗載而爲書則皆可
盡信究其所養則遠而莫窮臣常口誦心惟手
披目覽深探旨意粗識依歸殫智慮以尋問道
之源叩宮商而別爲文之體積二十年之久雖
去原始以要終紬數千帙之書未免隨人而執
下得匣願搜於瓊蓋鏤舟以索於龍泉撫事不
憚於文煩開卷宛同於冰釋人皆笑其迂闊已

不改其專精甘爲蜀國之腐儒詎識鉤天之廣

樂茲蓋伏遇

皇帝陛下御

離明而

廣照

躬道統以

中興

體舜帝之莘莘

繼志述事

法宗周之郁郁偃武修文常

勤乙夜之觀以致下情之達臣學粗通於世務
心靡適於他途知尚論於古人獨推尊於韓氏
含毫吮墨既同爾雅之蟲魚多背

獻芹遠紹相如之筆札願

聖神之閒燕回

日月之照臨少伸蠹簡之誠庶追面牆之責所
註到韓愈文集四十卷附以外集遺文謹繕寫
隨表

上進以

聞膚淺塵言冒昧干

聽臣謹誠惶誠懼頓首頓首謹言

右通功郎新授達州東鄉縣尉兼主簿臣文 謹 上表

乾道二年五月

進呈

許註昌黎先生文集序

古之君子窮而在下則事道如事君達而在上則事君如事道蓋道非君不行君非道不立二者相資以成名窮則事道非遺於君也養其所以事君者當以道爲先也達則事君非忘於道也致其所以事道者當以君爲先也是故有不忠於君者是不君其君也吾得謂之亂臣苟或違於道者是不道其道也吾得謂之邪說邪說與亂臣同科則事君與事道同體孔孟以來盡一者惟韓子能之觀其排辟老之際浩浩然氣

拂其膺雖三遭擯斥曾不少沮蓋其心常恐堯
舜禹湯周孔孟子之所傳一日墜地以爲已羞
是以抑邪扶正不遑自恤而夷險不易其說遂
自此孟子天下後世隨風而靡亦不以爲異謹
以謂孟子之拒楊墨未若韓子之爲難何則楊
朱墨翟皆中國之人其言猶未離於聖人之教
特以其仁而流於兼愛義而流於爲我爲我則
無君兼愛則無父無父無君是禽獸也致孟子
所以力距之歟自周以來楊墨雖熾而佛老至
興佛者以散財爲上即墨氏之兼愛也老氏以

長生爲得卽楊氏之爲我也其害尤甚於楊墨者以其出於夷狄故也常觀佛者之教久熾於其國逮漢永平始導而置之中原老聃之未著書也亦常西至流沙聞虛無之說歸而感悟始著上下篇二氏顯行而聖道自茲陵替逆而距之常恐不及元和之君乃屈已崇奉是教天下之人以叛其君父之尊而事迦曇之法用夷變夏於斯爲甚噫邊隅失警擅裘內侮擢一良將草薶而禽獮之可以旋踵而致安若夫尊崇異術以導人之性及其久也風傳俗習恬不爲怪

後雖有以聖人之道告之者孰肯回心而聽之乎惟韓子也奮獨見之明力排而痛詆之意在於貶夷狄以尊君父抑邪說以扶正道事道之心與孟子均而好辯之功軼之遠甚茲其所以爲尤難也歟嗚呼悲夫韓子不可得而見之矣得見其遺文斯可矣我

聖宋之初承五季兵革之餘道喪文弊秉筆之士以雕琢爲工雖柳開楊億獨以古文唱於其間而辭義愈尚隱奧天下之士因風乘流爭以詭異相高浸淫乎嘉祐之間而體格大壞惟歐

陽子者斷然革之追復韓作言以意為主而意以經爲宗使天下學士翻然從之知吾韓子之所傳在道而不在文者惟歐陽子是賴其書由唐而來已逾數百載矣其文次殺亂傳寫魚魯以歐陽子之博洽固常參考而質正之然而論者尚謂其以昌樂爲樂昌秋鶴與飛爲秋與鶴飛未免如斯之誤況其下者欲以私臆而遂訂之乎謹雖不敏自幼及壯景仰於韓恨不得與之同時親辱其薰炙故於螢雪之下探求其意採摭其事推演其說強爲之註日積月儲

寢以成編其間或可疑者尚疑之以俟然而食
井自美而已顧今之世志聖人行古道者誰歟
且韞匱而藏之以爲來師韓者之筌蹄玄紹興
己巳孟春普慈文 謙 詞源序

新刊經進詳補註昌黎先生文集目錄

目錄

迪功郎普慈 文謹詞源詳註

通直郎致仕淡齋王儔尚友補註

第一卷賦詩

感二鳥賦

復志賦

閔已賦

別知賦送楊儀之

元和聖德詩

琴操十首

南山詩

謝自然詩

秋懷詩十一首

江陵塗中寄三翰林

暮行河堤上

夜歌

重雲

江漢

長安交遊者

岐山下

第二卷古詩

北極

此日足可惜

幽懷

君子法天運

落葉

歸彭城

醉後

醉贈張秘書

同冠峽

送惠師

送靈師

縣齋有懷

遊湘西寺

合江亭

岳陽樓

送文暢師

荅張徹

薦士

喜侯喜至

古風

駑驥

馬厭穀

出門

嗟哉董生行

烽火

汴州亂二首

利劍

齟齬

第三卷古詩

河之水二首

山石

天星

汴泗交流

忽忽

鳴鴈

龍移

雉帶箭

條山蒼

贈鄭兵曹

桃源圖

東方未明

贈唐衢

貞女峽

贈侯喜

古意

八月十五夜月

謁衡嶽廟

岫嶁山

永貞行

洞庭湖阻風

李花

杏花

感春

寒食出遊

憶昨行

第四卷古詩

劉生

鄭羣贈簾

豐陵行

贈崔補闕

贈崔立之

送歐弘南歸

三星行

剝啄行

青青水中蒲

東野失子

陸渾山火

縣齋讀書

題新竹

晚菊

落齒

哭楊凝陸參

苦寒

赤藤杖歌

崔十六少府

送侯參謀

東都遇春

感春五首

酬裴功曹

燕河南府秀才

送李翱

送石處士

送李正字

第五卷古詩

辛卯年雪

醉留東野

李花

招楊之果

寄盧仝

酬司門盧四兄

誰氏子

池臺

送無本師

石鼓歌

雙鳥

贈劉師服

湫祠堂

聽穎師琴

送陸暢

送劉師服

嘲魯連子

贈張籍

調張籍

和盧雲夫示詩

寄皇甫湜

贈張十八

雜詩

寄崔立之

月蝕

孟生詩

射訓狐

將歸贈東野房蜀客

荅孟郊

從仕

短燈檠歌

送劉師服

第六卷古詩

符讀書城南

示爽

人日城南登高

病鵝

華山女

書園池詩後

路旁堠

食曲河驛

過南陽

隴吏

贈元十八六首

初南食

宿曾江二首

荅食蝦蟇

別趙子

寄李大夫

南山有喬樹行

猛虎行

第七卷古詩

雪後寄崔丞公

送僧澄觀

鄭相公樊負外酬荅依韻以獻

和詠孔雀

感春三首

早赴街西行香

寄張助教周博士

題張十八所居

酬荷花行

和盆池所植

記夢

南內朝賀呈同官 朝歸

雜詩四首

讀東方朔雜事

譴瘡鬼

示兒

庭楸

翫月喜張王至

和李相公攝事南郊呈知舊

和裴相公假山

効阮步兵

送諸葛覺

南溪始泛三首

贈河陽李大夫

苦寒歌

第八卷聯句

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

莎柵聯句

寄孟刑部聯句

遠遊聯句

郾城夜會合聯句

第九卷律詩

題楚昭王廟

宿龍宮灘

義魚招張功曹

李真外寄紙筆

次同冠峽

荅張十一功曹

郴州祁雨

湘中酬張十一功曹

柳口又贈二首

題木居士二首

晚泊江口

湘中

別盈上人

喜雪

春雪

聞梨花發贈劉師命

春雪間早梅

梨花下贈劉師命

和歸工部送僧約

入關詠馬

早春雪中聞鶯

木芙蓉

題張十一旅舍三詠

峽石西泉

惠康公主挽歌二首

和崔舍人詠月

詠雪贈張籍

酬雪中見寄

送侯喜

學諸進士作精衛石填海

酬振武胡大夫

和盧曹二公元日朝廻

寒食直歸遇雨

送李協律歸荆南

題百葉桃花

春雪

戲題牡丹

盆池五首

芍藥

和劉給事三堂二十一詠并序

賽神

題于賓客莊

晚春

落花

楸樹

風折花枝

贈張十八

題韋氏莊

晚雨

出城

把酒

嘲少年

楸樹

遠興

贈同遊

第十卷律詩

送李尚書赴襄陽

和席八十二韻

和早春聞鶯

大安池

晚春

大行皇后挽歌詞二首

廣宣上人頻見過

閑遊二首

酬馬侍郎寄酒

和侯協律詠筍

過鴻溝

送張侍郎

贈馬侍郎摠

和裴相公東征塗經女几山下

鄆城晚飲

別留後侍郎

夜次襄城

從裴相公野宿西界

過襄城

宿神龜

次峽石

和過連昌宮

次潼關寄張使君

次潼關上都統相公

桃林夜賀晉公

送李真外外司東都

和晉公之作

獨酌四首

枯樹

元日酬馬尚書

詠燈花

祖席

送鄭尚書赴南海

荅道士寄樹雞

至藍關示姪孫湘

逢配流吐蕃

次鄧州界

題臨瀧寺

晚次宣溪二章

題秀禪師房

將至韶州先借圖經

江口感懷

韶州留別張使君

量移袁州

次石頭驛寄王中丞

題西林寺故蕭郎中舊堂

自袁州還京

題廣昌館

寄周隨州

醉中留別李相公

題驛梁

賀張大得裴司空馬

杏園送張徹

雨中寄張籍侯喜

和張侍郎

早春與張籍遊楊尚書林亭

奉使常山次太原

壽陽驛題絕句

鎮州初歸

同張水部遊曲江

和張水部勅賜櫻桃詩

早春呈張水部二首

送桂州嚴大夫

酬馬僕射見寄暇日言懷之作

奉使鎮州酬裴相公

鎮州路上酬裴相公重見寄

和裴相公感恩言志

和裴相公迴朝見寄

和李相公題蕭家林亭

和杜相公太清宮紀事陳誠

第十一卷雜文

原道

原性

原毀

原人

原鬼

行難

對禹問

雜說

讀荀子

讀鶚冠子

讀儀禮

讀墨子

第十二卷雜文

獲麟解

師說

進學解

本政

守戒

朽者王承福傳

五箴

後漢三賢贊

諱辯

訟風伯

伯夷頌

第十三卷雜文

不毀鄉校頌

釋言

愛直

張巡傳後序

連理木頌

汴州水門記

宴喜亭記

書記廳記

畫記

藍田丞廳壁記

滕王閣記

科斗書後記

第十四卷雜文

鄆州溪堂詩

貓相乳說

進士策問十三首

諫臣論

改葬服議

省試學士代齊郎議

掃袷議

顏子不貳過論

與李秘書

何蕃傳

荅張籍書

重荅張籍書

第十五卷書啓

與孟東野書

荅竇秀才書

上李尚書書

賀張僕射白兔書

上李侍郎書

荅尉遲生書

荅楊子書

上于相公書

上鄭相公啓

上留守鄭相公啓

第十六卷書

上宰相書二首

荅侯繼書

荅崔立之書

荅李翊書

重荅李翊書

代張籍書

荅李秀才書

荅陳生書

與李翱書

第十七卷書

上張僕射書

荅胡生書

與于襄陽書

與崔羣書

與陳給事書

荅馮宿書

與衛中行書

又張僕射書

與馮宿論文書

與陸貞外薦士書

第十八卷書

與邢尚書書

爲人求薦書

與韋舍人書

荅劉巖夫書

荅殷侍御書

荅陳商書

與孟尚書書

荅呂山人書

荅李使君書

荅元微之書

第十九卷書序

與鄭相公書

與袁相公書

與柳中丞書二首

荅田僕射書

與李尚書書

荅友人書

送陸欽州序

送孟東野序

送許郢州序

送竇從事序

聽彈琴詩序

送齊暉序

送陳客序

送李愿序

第二十卷序

送牛堪序

送董邵南序

贈崔復州序

送張童子序

送文暢師序

送楊支使序

送何堅序

送廖道士序

送王秀才序

送孟秀才序

送陳秀才序

送王填序

唱和詩序

送李端公序

第二十一卷序

送區冊序

送張道士序

送高閑上人序

送殷貧外序

送楊少尹序

送權秀才序

送李正字序

送石處士序

送溫處士序

送鄭尚書序

送韓侍御序

送鄭校理序

題韋侍講詩序

石鼎聯句序

第二十二卷文

祭田橫墓文

歐陽生哀辭

獨孤哀辭

祭穆真外文

祭李使君文

祭薛助教文

祭張季友文

祭張貞父文

祭李太夫人文

祭薛中丞文

祭裴太常文

潮州祭神文五首

祭李司馬文

第三十三卷文

袁州祭神文三首

祭柳子厚文

祭湘君夫人文

祭竇司業文

祭侯喜主簿文

祭竹林神文

曲江祭龍文

祭馬僕射文

平武侍御畫佛文

祭鄭夫人文

祭司戶十二兄文

祭周氏姪女文

祭兄子十二郎文

祭李氏文

祭張給事文

祭挈女文

祭滂文

第二十四卷墓誌銘

李元賓墓銘

崔評事墓銘

施先生墓銘

盧君墓表

鄭夫人殯表

楊燕奇碑文

裴少尹墓誌銘

薛君墓誌銘

韋夫人墓誌銘

第二十五卷墓誌

盧殷墓誌銘

房君墓誌銘

李公墓誌銘

石君墓誌銘

韋公墓誌銘

畢君墓誌銘

胡君墓誌銘

盧君墓誌銘

張君墓碣銘

苗君墓誌銘

第二十六卷墓誌

孔君墓誌銘

杜君墓誌銘

路公神道碑文

烏氏廟碑銘

鄭公神道碑文

田氏先廟碑文

第二十七卷墓誌

劉統軍墓碑

徐偃王廟碑

袁氏先廟碑

房公墓碣銘

太原郡公神道碑文

第二十八卷墓誌

曹成王碑

息國夫人墓誌銘

王君墓誌銘

盧氏墓誌銘

李君墓誌銘

第二十九卷墓誌

董府君墓誌銘

貞曜先生墓誌銘

獨孤府君墓誌銘

張府君墓誌銘

劉公墓誌銘

第三十卷墓誌

衛府君墓誌銘

張君墓誌銘

李公墓誌銘

胡公神道碑

權公墓碑

平淮西碑

第三十一卷碑記

南海神廟碑

處州孔子廟碑

柳州羅池廟碑

黃陵廟碑

王公神道碑

第三十二卷墓誌銘

韓公神道碑銘

柳子厚墓誌銘

李公墓誌銘

鄭公墓誌

薛公墓誌銘

第三十三卷墓誌銘

翟氏墓誌銘

竇公墓誌銘

孔公墓誌銘

王公墓誌銘

馬公墓誌銘

第三十四卷墓誌銘

樊紹述墓誌銘

李公墓誌銘

張君墓誌銘

盧君夫人墓誌銘

李君墓誌銘

盧君墓誌銘

李君墓誌銘

第三十五卷墓誌銘

盧渾墓誌銘

韓君墓誌銘

韓氏墓誌銘

韓滂墓誌銘

女孥壙銘

盧氏墓誌銘

乳母墓誌銘

第三十六卷雜文

瘞破硯文

毛穎傳

下邳侯華傳

送窮文

鱷魚文

第三十七卷雜文

贈太傅董公行狀

薦侯喜狀

權停舉選狀

論天旱人饑狀

請復生徒狀

馬府君行狀

復讎狀

錢重物輕狀

第三十八卷表狀

爲宰相讓官表

爲宰相賀雪表

進實錄表二

爲宰相讓官表

爲宰相賀白龜表

冬薦官殷侑狀

進王用碑文狀

謝許受人事物表

薦樊宗師狀

舉錢徽狀

進淮西碑表

奏韓引人事物狀

謝許受物狀

第三十九卷表狀

論捕賊行賞表

論佛骨表

潮州刺史謝上表

賀冊尊號表

索州謝上表

賀皇帝即位表

賀赦表

賀冊皇太后表

賀慶雲表

舉張惟素狀

舉韓泰表

慰國哀表

舉薦張籍狀

請上尊號表

舉韋顗狀

第四十卷表狀

論孔戣致仕狀

舉馬摠自代狀

賀雨表

賀太陽不虧表

舉張正甫自代狀

索州申使狀

論新注學官牒

黃家賊事宜狀

應典貼良人狀

論淮西事宜狀

論變鹽法狀

外集目錄

第一卷賦歌詩論議

明水賦

紅芍藥歌

海水

贈崔立之

請遷玄宗議

范蠡招大夫種議

詩之序議

三器論

第二卷書

上賈滑州書

崔貞父書

薦公達書

與李拾遺書

荅劉秀才書

召大顛和尚書三

第三卷序

送俱文珍序

送令縱西游序

送路鴻序

贈別序

送毛仙翁序

第四卷雜著

通解

擇言解

鄆人對

河南同官記

記宜城驛

題李生壁

第五卷雜著

除崔羣制

祭董相公文

雷塘禱雨文

祭石君文

祭房君文

高君仙硯銘

高君畫贊

潮州請置鄉校牒

直諫表

論顧威狀

第六卷

順宗實錄一

起藩邸盡貞元二十一年二月

第七卷

順宗實錄二

起二月盡三月

第八卷

順宗實錄三

起四月盡五月

第九卷

順宗實錄四 起六月盡七月

第十卷

順宗實錄五 起八月盡山陵

遺文目錄

詩

徐州贈族姪

嘲鼯睡二首

酬崔立之詠雪

潭州泊船呈諸公

晝月

贈張徐州莫辭酒

飲城南道邊

知音者誠希

辭唱歌

池上絮

訪劉尊師不值得尋字

記

監軍新竹亭記

書

荅侯生書

啓狀

謝孔大夫狀

賀宰相啓

賀諸道狀

賀觀察使狀

慰諸道疏

墓誌

田御史夫人魏氏墓誌銘

留題

洛北惠林寺留題 嵩山留題

華嶽留題

第二卷

論語筆解上

學而

為政

八佾

里仁

公冶長

雍也

述而

泰伯

子罕

鄉黨

第三卷

論語集解下

先進

顏淵

子路

憲問

衛靈公

季氏

陽貨

微子

子張

堯曰

韓文公志目錄

第一卷

行狀

墓誌

神道碑

請配饗書

第二卷

舊唐書列傳

新唐書列傳

潮州廟記

第三卷

文錄序

文集序

文集後序

記舊本韓文後

書文集後

題文集後

辯謗文

論語筆解序

李翱祭公文

皇甫湜祭公文

劉禹錫祭公文

張籍祭公詩

新刊經進詳補註昌黎先生文集目錄卷終

新刊經

進詳註昌黎先生文卷第一

通鑑

迪功郎普慈

文讜詞源詳註

通直郎致仕淡齋王儔尚友補註

古賦

感二鳥賦并序

德宗自初即位憂勤恭儉圖治日切其
後稍怠頗好游政追求玩好四方守宰
先意承顏爭進奇異以邀榮寵故河陽
有白鳥白鸛鵒之獻焉昔者燕丹為質
烏白其頭卒至傾國魯昭失政鸛鵒來
巢無何出奔夫豈太平之瑞耶今皆反
其自然之色禽之妖者深可畏愕嗜進
之徒乃以為瑞寵之入獻使其果為瑞
乎則將為麟鳳為龜龍遊于沼集于郊
以表國家之德則治郡邑者當與黃霸齊

名何侯於職耶文公享而賦之非獨感
進退之殊亦以揭媚上之戒爾
史德宗紀正元十一年六月河陽獻白
鳥公年二十五以正元八年登第至十
一年宰相不報則去而東歸見所獻白鳥
書宰相不報則去而東歸見所獻白鳥
白鸚鵡感而作此賦故云時始至京師
有不遇時之歎又云自十七歲至今凡二
十二年則其年當正元十一年也審矣
蘇子美謂此賦悲激頽挫有騷人之思
疑其年少氣銳欲發其藻章以耀于世
而歐陽文忠公讀李習之幽懷賦則以
謂朝一賦矣不有道而能文者莫若韓愈
嘗有賦矣不若使光榮而飽則不復云矣
之無時矣然曰衆器而飽則不復云矣
若輟獨不使然曰衆器而飽則不復云矣
老而嗟卑視子心之不然而下撫世子孫
猶非怪神堯以一心之取天下撫世子孫
不能以天下取其歎老嗟卑之心而為朝
時君子皆易其歎老嗟卑之心而為朝

所憂之心則唐之天下豈有亂與亡哉
然朝幸不生今時見今之時則憂又甚
矣奈何今之人不憂也云云善乎歐陽
子之論也雖然公不云乎文章之作嘗
於性而好之則不暇以爲此賦蓋所
謂非於羈旅者使其光榮而飽
憂天下之心孰謂公一日忘邪

貞元十一年

一作五年一補註爲正

五月戊辰

愈東歸癸酉自潼關出息于河之陰

潼關在華州華陰縣

本名衝關河自龍門山衝激華山東故因以爲名

時始去京師有不遇

時之歎

是年正月五月上宰相書不報五月東歸

見行有籠白鳥白

鸛鵒而西者

劉向傳云此鳥穴居一云以鵒而鸛鵒音權俱切

王號於道曰

號呼也某土之守臣某

於天子曰某士

使使者進於天子

下使音

東西

行者皆避路莫敢正目焉因竊自悲幸生天下

無事時承先人之遺業不識干戈耒耜攻守耕

穫之勤讀書著文自七歲至今凡二十二年其

行已不敢有愧於道其閒居

閒安也通作閑顏師古曰退燕避人

曰閒

思念前古當今之故亦僅志其一二大者

焉選舉於有司與百千人偕進偕退曾不得策

名於薦書齒下士于朝以仰望天子之光明

唐制

吏部主文選凡擇人之法身言書判公雖登第未即得仕又以此二試吏部一既得之而又黜

於中書亦未得仕故云然下士在官之

最卑者鄭氏云上中下以三命為差 今是鳥

也惟以羽毛之異非有道德智謀承顧問贊教
化者乃反得蒙采擢薦進光耀如此可以人而
不如鳥乎故為賦以自悼且明夫遭時者雖小
善必達不遭時者累善無所容焉其辭曰

吾何歸乎

公自設問目言不見用於時無所依歸也

吾將既行而後

思誠不足以自存苟有食其從之

公少貧孤始來京師時止

携一束書遑遑乎懷欲進之心既而不逢推挽抑厭而退言苟有食可以糊其口則將從之其

後遂事董晉張

出國門而東騫觸白日之隆景

建封之類是也

隆景仲夏盛暑也楚辭時返顧

以流涕念西路之差永

公西路謂去京師之路也

西路楚辭云忽反顧以流涕兮過潼關正平

而坐息窺黃流之奔猛黃流黃河之流也物理

流濁之也感二鳥之無知方蒙恩而入幸惟進退之

殊異增余懷之耿耿張茂先鵲鵲賦云彼中心

之何嘉徒外飾焉是逞余生命之湮阨曾二鳥

之不如汨東西與南北豆十年以不居言周流四方無

一日之寧謂幼遷韶嶺長就食於江南來京師者八九年左傳子展云東西南北誰與寧處

厚飽食兮有數况策名於薦書謂書名於策以

狐突曰策名委質於一作與音羊茹切時所好之為賢庸有謂余

之非愚昔殷之高宗得良弼於宵寐孰左右者

為之先容信矣同而神此史記商王武丁即位

佐三年不言政事決定於冢宰以觀國風武丁

夜夢得良弼名曰說以夢所見示羣臣百吏皆

非也於是乃使百工營求之野得說於傳器中

是時說為胥靡樂於傳器見於武丁曰長也

舉而為相商國大治遂以傳姓之號曰傅說武

丁崩祖已立其庶為高宗漢書鄉陽太槃木根

抵輪困離奇為萬乘器者以左右為之先容也

李蕭遠運命論曰聖賢相遇豈徒人事哉授之

也者天也告之者神及時運之未來或兩求而莫

致唐詩取士先薦舉而後就試故曰兩求公與

至陸參書云執事之與司貢士者相知識深矣

彼之職在乎得人執事之志在乎進雖家到而

賢如得其人而授之可謂兩得其求

戶說祗以招尤而速累或低適也蓋上天之生余

亦有期於下地曷求配於古人獨怊悵於無位

古人傳說招張望恨也楚辭云獨招雖得之而

不能乃鬼神之所戲幸年歲之未暮庶無羨於

斯類斯類二鳥也楚辭云及乎年歲之未晏考時亦猶而未央

復志賦并序

復反也反其初誓之志也易曰復其見天地之心乎義取諸此

沛在正元十二年七月公寔從之其曰明年之七月則十三年也晉以十五年

二月薨則知公退沐後復從晉於沛矣公十二隨伯兄會遷嶺表會卒公從嫂

鄭歸葬河南已而遭梁崇義李希烈朱泚之亂乃避地江南正元二年十九

始至京師二十五擢第二十八未得仕乃上書宰相不報時正元十一年矣至

十二年始佐汴州明年又辭以疾詳夫出處則此貳不待講而明矣夫子謂晉

也浚之
都汴也

愈既從隴西公平汴州公董晉正元十二年為宣武節度使時表公為

觀察推官平汴其明年七月有負薪之疾禮記

州事具晉行狀使士射不能則辭以疾言曰某有負薪之憂何

休云天子稱不豫諸侯稱負茲大夫稱大馬士稱負薪與孟子采薪之憂同退休于居作復志賦其辭曰臣

此賦步驟離騷經其句法往往相似文見詳註

居悒悒之無解兮獨長思而永嘆悒悒不安也楚辭曰心憊

憊之憂思今獨永艱乎增豈朝食之不飽兮寧

冬裘之不完昔余之既有知兮誠坎軻而艱難

坎軻車行不平也楚辭曰軻軻不遇當歲行之

軻音苦感切與坎同軻音口我切

未復兮從伯氏以南遷

公幼孤大曆十二年三月從伯兄會以元載累

賈官韶州會卒嫂鄭鞠之公生大曆戊申至十二年方十歲故曰歲行之未復

凌大江

之驚波兮過洞庭之漫漫

楚辭曰凌大波而流

風兮洞庭湖名也漫漫水廣大只音摸官切

至曲江而乃息兮逾南

紀之連山

曲江韶州也理曲江縣韶州在嶺之

云滔滔江漢南國之紀唐僧一行以爲天下山河之象存乎南戒北戒所以限戎狄也故謂之

北紀南戒所以限蠻夷也故謂之南紀

嗟日月其幾何兮携孤嫠

而北旋

幾何言不父也左氏傳曰其與幾何音居豈切無父曰孤謂會之子老成也

婦曰嫠謂鄭氏也音力之切

值中原之有事兮將就食於江

之南

中原有事謂朱泚李希烈李懷光等也江南當是江州蓋公自韶州還託居于此者

七八年也按歐陽哀辭云建中貞元間余就食江南祭嫂鄭氏云百口偕行避地江濱祭老成文云既又與汝就食江南又送爽赴宣州從事云此來江南近閭里故依然皆指江州而言也始專專於講習兮非詁訓為無所用其心窺前靈之逸跡兮超孤舉之幽尋既識路又疾驅今孰知余力之不任考古人之所佩兮閱時俗之所服佩飾也所以象德故行潔清者佩蘭德仁明者佩玉能解結者佩鵲能決疑者佩玳古人博采衆善以自脩飾且其不與時俗同也楚辭曰蹇吾法夫前脩兮非世俗之所服王逸註云服忽忘身之不肖兮謂青紫其可拾此公亦佩也楚辭曰忽忘身之貧賤前漢夏侯勝曰經苟明取青紫如拾地芥矣註云地芥謂草之橫在地二者僥而拾之言易而自知者為明兮故吾之必得青紫卿大夫之服

所以為惑之性也老子曰自知者明言擇吉日

余西征兮亦冀造夫京師征行也晉潘岳為長安令作西征賦述入

素之意按公祭老成文及歐陽哀辭皆君之門云余年十九始來京城即正元二年也

不可徑而入兮遂從試於有司楚辭云豈不鬱陶思君兮君之

門九惟名利之都府兮羌衆人之所馳一作持

下皆公欲進之言都府謂京師說文曰都大府聚也楚辭九章云羌衆人之所仇王逸註云羌

語也競乘時而射利一作射勢兮紛變化其難推

言當時選舉不以公得之者皆因勢利變化紛然難以推測吳都賦曰乘時射利財豐巨萬

全純愚以靜處兮將與彼而異耳欲奔走以及

事兮顧初心而自非朝騁騫乎書林兮夕翱翔

乎藝苑諒却步以圖前兮不浸近而逾遠韓詩外傳

曰明鑑所以照形往事所以知今惡知往古哀

之所以危亡無異却行而求達於前人也白日之不與吾謀兮至今十年其猶初白日喻

豈不登名於一科兮曾不補其遺餘公以正元

士第時年二十五言雖登第謂曾未補於一職

遺餘猶負外置之類左氏傳曰其餘六十縣遺

守四進既不獲其志願兮退將遁而窮居此以

公欲退之言楚辭曰奔遁兮排國門而東出兮

隱居王逸註云言欲避世也排國門而東出兮

嗟一作余行之舒舒吾舒遲也孔子曰遲遲時

憑高以迴顧兮涕泣下而交如與感二鳥賦時

也戾洛師而悵望兮聊浮遊以躊躇定至也洛

書曰朝至于洛師躊躇猶豫不進也上陳留切

下陳如切楚辭云欲遠進而無所止兮聊浮遊以逍假大龜一作火以視兆兮求幽身之所廬言

居也按縣齋有懷并憶昨行即在嵩山之東也

周禮卜師掌三龜之法四兆凡卜事眡高揚火以

作龜致其墨幽貞事出周易甘潛伏以老死兮

履卦曰履道坦坦幽人貞吉

不顯著其名譽之小雅正月詩曰潛雖伏矣亦孔昭鄭氏云言雖隱遁其德甚

明譽音切非夫子之洵美兮吾何為乎浚之都子

羊諸切謂董晉也洵美言其賢鄭風詩云洵美且仁毛

云洵信美好也浚古之衛邑即今汴州是也衛

風詩云爰有寒泉在浚之下小人之懷惠兮猶知獻其至恩

固余異於牛馬兮寧止乎飲水而求芻異於牛

素餐也牛馬曰豢伏門下之默默兮卒歲年以康

芻犬豕曰豢

娛時乘間以獲進兮顏垂歡而愉愉乘間謂伺晉之間隙

以謂之也間音居覓切仰盛德以安窮兮又何忠之能輸

昔余吾一作之約吾心兮誰無施而有獲此公復志之詞

楚辭哀郢曰孰無施而有報兮孰不實嫉貧佞

之濟濁兮曰吾其既勞而後食濟亦濁也或從于楚辭思美人

云信讒諛之涓濁懲此志之不修兮愛此言之

不可忘情怵悵以自失兮心無歸而茫茫苟不

內得其如斯兮孰與不食而高翔孰與猶何如也楚辭怨世

日鳳凰飛而高翔抱關之阨陋兮有肆志之揚揚伊尹

之樂於畎畝兮焉富貴之能當焉何也當敵也抱關之賤伊尹

之窮皆自誓之固不為物移故公申之以自誓
史記魏有隱士曰侯嬴年七十家貧為大梁夷
門監魏公子無忌聞之置酒會賓坐定公子從
車騎虛左自迎侯生侯生攝弊衣冠直上載公
子上坐不讓欲以觀公子公子執轡愈恭既至
公子引侯生坐上坐酒酣公子起為壽侯生日
嬴乃夷門抱關者也而公子為長者能下士酒罷
人以嬴為小人而以公子為長者能下士酒罷
侯生遂為上客後漢范式傳云侯嬴長守於賤
業晨門肆志於抱關以此知賦言抱關之厄陋
即侯嬴也揚揚事出晏子傳曰意恐誓言之不
氣揚揚伊尹之樂畝事見孟子意恐誓言之不
固兮斯自誦以成章楚辭有惜誦篇王逸註云
誦論也言已貧忠信之道
可以安君論之於心誦之於口而不敢忘也往者之不可復兮冀來
今之可望鳳論語楚狂接輿歌而過孔子曰鳳兮
鳳兮何德之衰往者不可諫來者猶
可追註云此孔子歎鳳凰已往所
行不可復諫止也望音武方切

閔已賦

閔傷也言顏子雖生亂世有大聖依歸之終不見用於時而於道無慊傷已之不如也

余悲不及古之人兮伊時勢而則然顏子爾雅

曰伊維也郭發語辭獨悶悶其曷已兮憑文章以自宣

也陸士衡文賦云聊宣之乎斯文昔顏氏之庶

幾兮在隱約而平寬孔家語顏回字子淵魯人少

之白三十一歲而早死以德行著名易曰顏氏

而樂在其中楚辭曰居憂愁以固哲人之細事

兮夫子乃嗟嘆其賢論語曰賢哉回也簞食瓢飲在陋巷不改其樂註云

簞筍也補註東坡為膳西守孔宗翰作顏樂亭

詩其亨有曰昔夫子以簞食瓢飲賢顏子而韓

子乃以為哲人之細事何哉蘇子曰古之觀人

也必於其小焉觀之其大者容有偽焉人能破

千金之璧不能無失聲於破釜能搏猛虎不能

無變色於蜂虿孰知簞食瓢飲為哲人之大事

乎公嘗答李習之書亦舉顏子事而此賦亦云

尔蓋閑已之不苦也東坡獨謂不然要謂顏子

之言惡飲食乎陋巷今亦足以頤神而保年東坡

籍之流忘世與身矣而不能忘酒是知簞食瓢

飲賢者之所難也至於口腹不知有美惡之擇

則人壯之憂患盡矣豈有至聖而為之依歸兮

不足以頤神保年乎

又何苦不自得於艱難揚子曰顏亦有苦乎曰

茲苦也祇其所曰余昏昏其無類兮望夫人其

以爲樂也歟類明也夫人謂顏子遠音行舟楫而不識

已遠于元切協韻一作還非

四方兮涉大水之漫漫勤祖先之所貽兮勉汲

汲於前修之言言今也無聖人以爲依歸譬如

不知其涯矣反求諸已惟在勤勉而已雖舉足

以蹈道兮哀與我者爲誰衆皆捨而已用兮忽

自惑其是非下土茫茫其廣大兮余豈一作不

知其可懷就水草以休息兮恒未安而既危就

草見上篇蓋公佐董晉而晉薨復佐張建

封而寔封薨來居于洛正元十六年也當未安

謂此歟其久拳拳其何故兮亦天命之本一作

宜禮記中庸曰回之爲人也擇乎中庸得一善

則拳拳服膺而弗失之拳拳捧持之自公方

自比顏子故復引其事以終篇曹惟一作否泰

之相極兮咸一得而一違

陸士衡贈馮文熊詩曰否泰有殊窮達有

違君子有失其所兮小人有得其時

此指當時而言聊

固守以靜俟兮誠不及古之人兮

字無其焉悲

別知賦送楊儀之

按宰相出系儀之首楊疑之子也當此之時儀之伯父憑以御史中丞為湖南

觀察使儀之為府中從事今以使事至陽山於文公故友也既為序以送之而

又別之以此賦焉世系不載其名位但字儀之其字也憑疑唐史皆有傳送儀

之序在奉集補註正元十九年也公是年冬自監察御史出為連之陽山令明

年春至焉楊儀之時以湖南文使來公集有序送之

余取友於天下將歲行之兩周

十年為

下何深

之不即上何高之不求深謂隱於幽深者高謂在高位者深者即之高

者求之言其取友之廣也淮南子曰至高無上至深無下是也紛擾擾而既多

咸喜能而好修言所友多賢者楚辭寧安顯而

獨裕顧阨窮而共愁惟知心而難得斯百一而

為收荀悅論曰古者什一人而已謂儀之也後漢荀悅論曰古者什一人而稅今漢收百一之

稅文公勸許可其評論人物率有輕重如送權秀才序云若權生者百無一二焉東坡作繁字

韻詩云寧當待垂老倉卒收一二焉東坡作繁字

矣歲癸未而遷逐侶蟲蛇於海陬正元公十九年

事南遷連州陽山令楚辭曰南方不止螭蛇素素註云素聚負故此言侶云陳隅也

遇夫人之來使闕公館以羅羞羞薦羞也索

微言於亂志發孤嘯於群憂物何深而不考理

何隱而不抽

陸士衡文賦理翳翳而逾伏思軌其若抽理一作情又一作事

始參差以異序平爛熳而同流

爾雅曰相參謂之參相

差爛熳散亂也莊子云大德不同而性命爛熳

何此歡之不可恃遂駕

馬以迴輶

輶音張流切也

山礚礚其相軋

礚山多小石也牛交

乙切輶音

樹蓊蓊其相樛

蓊蓊草茂盛白樛木枝下曲也蓊烏孔切樛居

虬切

雨浪浪其不止雲浩浩其常浮

浪盧當切楚辭王逸云浪

浪流自浮音房尤切

知來者不可以數哀去此以無由倚

郭郭而掩涕空盡日以遲留

元和聖德詩

并序

補

其月劍南新舊紀元正元年八月即位

馬劉闢自稱留後元和中元年正月癸未

長武城使高崇文為佐神策行營節度

使討劉闢甲申劉闢陷梓州三月甲子

高崇文克梓州六月丁酉高崇文及劉

闢戰于鹿頭柵敗之九月辛亥高崇文

克成都十月甲子滅劍南東西南川今歲

賦釋脅從將吏葬陣亡者廩其家五歲

戊子劉闢伏誅二年正月己丑朝獻于

太清宮庚寅朔是日還宮御丹鳳樓大赦

上帝于郊丘正月元日初見宗祖又曰

天以下此詩有正月元日初見宗祖又曰

乃以上辛於郊用樂又曰帝車回來日

正當午辛丹鳳門大赦天下正與舊紀

合蓋其年所作也始劉闢叛議者以其

恃險討之或生事惟宰相杜黃裳固勸

不赦因奏罷中人監軍而專委崇文凡

兵進退黃裳自中相授無不切于機崇

文素憚劉潼黃裳使人謂曰公不奮命

者當以淮代崇文懼一死力縛賊以獻
憲宗自是平夏平江東平澤潞平蔡平
澗青赫然中興實由黃裳啓之而平蜀
平蔡之功尤卓卓在人耳目者以公此
詩及平淮西碑學者爭誦之習且熟故
也公潮州表曰臣於當時之文未有過
人者至於論述陛下功德與詩書相表
裏作爲歌詩薦之郊廟紀太山之封鏤
白王之鼎編之乎詩書之冊而無愧措之
之偉績編之乎詩書之冊而無愧措之
乎天地之間而無窮雖使古人復生曰
亦未肯多遜此詩及平淮西碑誠編之
乎詩書之冊而無愧矣蘇黃門獨不謂
然且曰此特憲宗命高崇文誅一劉闢
爾其言闕弃城走至爭功膾臚何其言
瑣屑之甚謂之造語工則可謂之得雅
體未也獨不見周詩載文王伐崇曰是
伐是隤是絕是忽周詩載文王伐崇曰
伐紂曰肆伐大商會朝清明大雅固自
有作而其意亦自渾然退之獨不如此

抑亦其少年所為文也按元和二年公行年四十不可謂少年也大抵德不足則夸憲宗功烈固奇偉比文武則有間矣王荆公嘗論詩曰周頌之詞修約所以為嚴盛德故也魯頌之詞侈修所以為夸德不足故也是詩也其亦魯頌之

熾謂

臣愈頓首再拜臣伏見皇帝陛下即位以來誅

流茲臣朝廷清明無有欺蔽茲臣謂王叔文之徒外斬楊

惠琳劉闢以收夏蜀補綴銀節度使留後楊惠琳

反明年元和改元三月伏誅東定青徐積年之叛青徐謂李師道張愔

海內怖駭不敢違越郊天告廟神靈歡喜風雨

明晦無不從順太平之期適當今日臣蒙被恩

澤日與群臣序立紫宸殿下親望穆穆之光

雜記曰紫宸殿在大明宮即內衙正殿殿前有紫宸門况其職業又在以

經籍教導國子周禮師氏掌以三德教國子鄭氏云國子公卿大夫之子弟唐

六學皆隸于國子監博士五人學生三百人元和元年六月公自江陵召拜國子博士也

誠宜率先作歌詩以稱道盛德不可以辭語淺

薄不足以自効為解今世韓集數本下解一作者甚眾皆因後人傳寫錯

誤本有同異故兩存之讀之既久真為自判

又據之以古監本多所是正乃知文公用字非

俗學所能測也其浮淺亂理者今悉刪去如此

篇中解一作辭警一作驚血人于牙一作入之

類皆非是又如此詩云日雨而雨又復云駭汗

如兩後人見其重複遂改作駭汗如瀉又云隊

以萬數復去擒不濫數遂改作擒不濫縷殊不

知字同而義異也又如南山詩凝湛閑陰罍復

玄或類若寢獸遂亦以罍為獸殊不知罍謹依

水產也音許救切自與獸字音義不同

古作四言元和聖德詩一篇九千有二十四字

前漢韋孟傳楚元王作四言指事實錄具載明

詩曰天子文武神聖以警動百姓耳目傳示無極其

皇帝即祚物無違拒曰暘而暘曰雨而雨兩物以

暘以乾物當暘而暘當雨而雨陰陽順惟是元

年有盜在夏銀節度留後楊惠琳反欲覆其州

以踵近武張覆滅也言欲滅之以繼近世之跡皇

帝曰嘻豈不在我發痛語首之聲負鄙為艱

縱則不可出師征之其衆十旅鄒邊邑也二百五十人為旅言

二千五軍其城下告以福禍腹敗枝披不敢保

聚前漢韓安國曰支大於幹脛大於股不折必披披不靡切見灌夫傳邑落日聚音在與切

擲首陴外降幡夜豎元和元年三月辛巳楊惠琳伏誅琳梨鉞切陴頻淋

也切城上女垣疆外之險莫過蜀土韋臯去鎮劉

關守後永正元年八月癸丑劍南西川節度使韋臯卒行軍司馬劉關自稱留後臯治

蜀歲久兵驕故關血人于牙不肯吐口言其下強相殺

信其屬卒以焉叛于牙不肯吐口言其下強相殺

于牙則謂之牙門或置車于門則謂之轅門牙言

如猛獸之開庫啗士曰隨所取汝張汝弓汝伐

汝鼓汝為表書求我帥汝大開府庫以金帛啗

或為表或為書以求戎帥于朝也漢紀張良謂沛公曰使鄢食其性說素將啗以利顏師古云則改變為徒濫切今言以利誘之取食以為警

是事始上聞在列咸怒皇帝曰然嗟遠士女苟附而安則且付與憲宗知關意驕傲非不能行

遠方苟關能懷附而安之則且付與節旌讀一

以觀其進退附如荀子兵要在附民之附續命於廷出節少府朝發京師夕至其部憲宗始以

給事中召關關不奉詔於是拜檢校工部尚書

節南西川節度使少府監掌工作法物符印旌節故曰出關喜謂黨汝振而伍蜀可全有此不

當受關既得旌節以為上可動意萬牛鬻商萬

甕行酒以錦纏股以紅帕首言關恃蜀之富殺

以買其叛一作其叛又設標異以誘雄強角之夜有恒其

亮有餌其誘謂以禍福恠怯其兇渠使從已叛

王切餌鉤上肉其出穰穰隊以萬數遂劫東川

遂據城阻元年正月關陷東川執節度李康東

中江居水陸之衝皇帝曰嗟其又可許狀已甚

要故關先據之也不可復爰命崇文分卒禁禦有安其驅無暴我

野此憲宗命崇文之辭關之冠梓州也議者以

故因薦高崇文以為將上然之即詔崇文檢校

工部尚書左右神策行營節度使俾統左右神

策麟遊奉天諸屯以討關時顯功宿將人自謂當選及詔出皆大驚外漏受命辰已出師器械無一不具過興元士有折逆放箸者即斬以徇禁兵所以備禦非常故曰禁禦野田野也

與日行三十徐壁其右兵法開行三十里崇文乃西自開

中出卻之劍門兵解梓潼之圍賊將關黨聚謀

鹿頭是守鹿頭山距成都百五十里扼二川之

崇文奉詔進退規矩初師之出以中人俱文珍

裳奏請罷文珍而專委崇文事必濟上從之凡

兵之進退皆黃裳自中指授無不切於機者進

克鹿頭賊戰不貪殺擒不濫數不濫數不增級

始大震四方節度整兵頓馬上章乞討侯

命起坐皇帝曰嘉無汝煩苦唐自安史亂滅武

陣列為侯王者皆除節度使由是方鎮相望至

是知憲宗英武故皆上章乞助討賊嘉者美之

辭也左氏傳曰文襄之荆并洎梁在國門戶出

師三千各選爾醜

此帝命四軍之詞帝謂荆梁之衆近在國門足以辦事令

每節度出師三千各選其衆以充之時京西行營兵馬李元奕山南西道節度使嚴礪各率兵

以助討關荆即荆南也并即荆北也時京西兼統京北梁即山南也小雅采芑詩曰其車三千

師下之試吉日詩曰從其羣醜註云醜衆也四軍齊作殷其如阜或

拔其角或脫其距長驅洋洋無有齟齬

神策兵及上三

節度即四軍也言四軍之起殷然如雷之在阜相與圍關若逐禽獸然召南詩曰殷其雷在南

山之陽天保詩曰如山如阜洋洋盛大貞齟齬者相戾也上音在所呂夷二切下音隅舉切

八月壬午闢棄城走載妻與妾包裹稚乳是日

崇文入處其宇

按帝紀癸丑崇文及關戰于玄武九月丙午嚴礪及關戰于神

泉皆敗之辛亥進克成都則關分散逐捕搜原

棄城走非八月壬午疑傳寫誤

剔藪關窮見窘無地自處俯視大江不見洲渚

關既窮迫乃從數十騎至羊灌田自投水不能死騎將鄺定進擒之搜別逐捕之急也說文高

平曰原大澤曰藪遂自顛倒若杵投曰取之江

水中可居曰洲渚

中加脰械手婦女繫繫啼哭拜叩脰脰也史記春申君傳係

貞禮記喪容繫繫倫追反來獻闕下以告廟社

周示城市咸使觀覩解脫羣索夾以砧斧關檻送京

師異不死食飲于道晏然將至都神策以兵逆之係其首夷而入驚曰何至是耶帝御興安樓

受俘關曰呂不敢反五院子弟為惡不能制詔問遣使賜爵何不受乃伏罪獻廟社徇于市漸

于城西南時十月戊子也前漢王訢解衣伏質顏師古曰質鐵也凡欲斬人皆伏於鐵上砧與

之林切婉婉弱子赤立偃僂牽頭拽足先斷腰

贅次及其徒體骸撐拄末乃取闕駭汗如雨揮

刀紛紜爭切膾脯關及子起郎等九人與部將

列切雨王遇切自詩人詠歌文武征伐之雨字音訓

不同蘇黃門云詩人詠歌文武征伐之雨字音訓

克密曰無矢我陵我阿無飲我泉我泉我連連

池其於克崇曰崇墉言言臨衝閑閑執事我連連

收敵安安是類是禡是致是附四方以無侮其

於克商曰維師尚父時惟鷹揚諒彼武王肆伐

大商會朝清明其形容征伐之盛極於此矣韓

退之作元和聖德詩言劉關之死婉婉體骸撐

立偃僕牽頭曳足先斷腰膂次及其徒體骸撐

拄末乃取闕駭汗如雨揮刀紛紜爭切膾脯此

李斯誦秦所以為不然而退之自謂無愧於雅頌

何其匪也圖以為不然而當此之時藩鎮跋扈唐

室中義憲宗即位毅然欲削而平之於出師之

始首能定蜀故文公鋪張其事以聳動四方爾

優賞將吏扶珪綴組帛堆其家粟塞其倉一作庾

珪如周官信圭躬圭之類組綬屬玉藻鄭氏云所以貫佩王相承受者也更倉無屋者甫田詩

註露積穀也哀憐陣歿廩給孤寡贈官封墓周币宏

溥經戰伐地寬免租溥施令酬功急疾如火十月

甲子詔滅殂東川山南西道今歲租釋脅從將吏葬陣亡者廩給其家周币宏溥言德實被也

李令伯陳情之表云急於星火天地中間莫不順序魏幽恒青

東盡海浦南至徐蔡區外雜虜則時藩鎮世襲魏則田洪正幽則

劉總恒則王承元青則李師古徐則張愔蔡則吳少陽浦涯也張平子西京賦曰聲震海浦

音普頗五切烜威赫德踔蹻蹈舞掉棄兵革私習簞

簞來請來覲十百其耦烜赫畏服只蹻蹻足相後也蹈舞所以達歡欣

私習簞簞欲以其職來助也耦輩也四方諸侯請覲之使十百其輩言衆也衛風淇奥詩曰赫

今與烜今毛云赫有明德烜威儀容止也烜火遠切與烜同詩頌意喜云亦服爾耕十千維耦鄭氏云二邦為耦一川之地萬夫故有萬耦耕之今言十百謂使者之來亦猶此也皇帝

曰吁伯父叔舅各安爾位訓厥此帝謙辭謂諸侯方畋畋此帝謙辭謂諸侯方

春之時不必來觀各安其位以訓勅農事也禮記天子謂同姓諸侯為伯舅周禮遂人以土直教畋稼穡鄭氏云言禮無知也謨耕切正月元日初見宗祖躬執

百禮登降拜俯二年正月己丑朔朝獻于太廟宮庚寅享于太廟今順宗喪畢

初見祖宗于太廟也見彤甸切詩頌云烝畀祖妣以洽百禮鄭氏云百禮謂燕饗之屬薦

饗新宮視瞻梁杞見容色淚落入俎侍祠之

臣助我惻楚新宮順宗之宮春秋成公三年二月新宮灾穀梁傳曰禍宮也杜預

云三年喪畢神主入廟故謂之新宮招楣也兩卒切感憂也倉歷切楚當作憊痛也出音譜

乃以上辛於郊用牡除于國南鱗筍毛簋正月二年

辛卯有事于南郊用辛日者人君當齋戒自新

爾除掃也掃國之南以立郊位禮記云掃地而

祭貴其質也兆於南郊就陽位也周禮冬官梓

人為筍簋鄭氏云樂器所縣橫曰筍飾以鱗屬

植曰簋飾以羽屬筍息允切簋音巨唐制凡筍

簋以縣磬鐘皆十有六周人謂之一堵唐人謂

之一簋開元定禮

著為二十簋也

犖園壇帖安盧幕陳設之次唐制郊祀陳設其

別有五皆設幕揭舉也立竭切磊

磊相委積自上魯猥切下郎可切司馬上林賦

云水玉磊磊石省飾之以獸形故曰獸盾周禮旅

賁氏掌執戈盾夾王車而趨豎尹切

騰犖高良音人余切圓壇郊丘也

旗常婀娜駕龍十二魚魚雅雅周禮春官日

月為常熊虎為旗皆畫象於其中婀娜旗旒下

垂良南都賦云婀娜蕭蕭上於可切下奴可切

駕法駕也龍馬也凡馬八尺以上為龍楚辭云

余駕飛龍兮唐制五路王路金路象路革路木

路皆駕六馬五路皆有副故曰十二王路祭祀

所乘也魚魚如魚之游雅雅正也晉書劉琰傳

日洛中宵昇于丘奠璧獻尊衆樂驚作轟隆

雅雅治丘圓丘也周禮春官以蒼璧禮天鄭氏云謂

始告神奠於神坐禮神必象其類璧圓以象

天也年鬱酒之尊禮記明堂位鄭氏云尊畫木

稼者也居豳切周禮春官大司樂奏黃鍾歌大

呂舞雲門以祀天神若樂六變而天神可得而

禮矣唐朝制十二和以法天地之成号大唐雅

樂一曰豫和以降天神轟隆樂衆作之聲柴燄

噓呵高靈下墮群星從坐錯落侈哆所祭天燄柴

其燄之起如人氣之噓呵也噓香居切呵虎何

切高靈天神也墮落也漢書燕王旦傳曰流星

下墮徒果切錯落分布只西都賦曰錯落其間

小雅巷伯詩六侈兮侈兮成是南箕許氏六侈

張口也侈大也箕四星二為踵二為舌
踵二星多然故舌二星益大多昌者切
日君月

妃煥赫嫫姬瀆鬼濛鴻獄祇葉我飲羶燎薌產

祥降嘏光也嫫姬稱月也上為陰故稱妃煥赫日

瀆鬼四瀆之鬼嶽祇五嶽之神濛鴻游氣也楊

子雲羽獵云濛鴻沆茫以崇山上莫孔切下

胡孔切業我高良班固西都賦云增繁葉裁上

五臘切下音我禮記祭義云燔燎羶薌鄭氏云

羶當為馨聲之誤也薌音香蒿也漆以脂合黍

稷燒之缺厭也依倨切燎燔也力召切嘏福也

古下鳳凰應奏舒翼自拊赤鱗黃龍委蛇結糾

拊來儀之翼若干其聲若簫故來而應奏舒翼自

賦云鳳凰來儀而拊翼月令章句曰凡麟生於
火故色赤王者親明禮修則見瑞應圖曰黃龍
者四龍之長王者不漈池而漁則至衛風詩云
委委佗佗箋云蹤跡委曲也逌於為切爾雅曰

結糾纏也張平子思元賦云騰蛇蛇而糾糾是也卿士庶人黃童白叟

踊躍歎呀失喜噎嘔黃童白叟皆老稱謂髮黃

歲已下為黃事見刑統踊躍歎呀皆喜并與喜

甚則氣逆故或至噎嘔也呀張口也音虛加切

噎烏結切乾清坤夷境落褰舉帝車回來日正

當年高褰註天台山賦云羲和亭午遊氣幸丹鳳

門大赦天下賜文武官勲爵宣公二王後三恪

公主諸王一子官涿濯剋磔磨滅瑕垢續功臣

嗣拔賢任耆孩養無告仁滂施厚也磔瓦石洗物

奔溜之所磔錯初兩切耆老也說文云老人面

凍梨若垢然無告鰥寡孤獨無所告翹者撫養

之若嬰孩然滂流也音普郎切皇帝神聖通達先古聰聰視明

一似堯禹生知法式動得理所天錫皇帝為天

下主并包畜養無異細鉅億載萬年敢有違者

唐虞曰載周曰年郭璞云載皇帝勤儉監濯陶取物更終始年取禾一熟也

瓦斤遣浮華好此締紵勅戒四方侈則有各漂

手也陶瓦謂器用也鹽古玩切締厚天錫皇帝

多麥與黍無召水旱耗于雀鼠億載萬年有富

無窶耗于雀鼠事見南史張率傳窶者貧不足以備禮也音其矩切皇帝正直

別白善否擅命而狂既翦既去盡逐群姦靡有

遺侶去除也天錫皇帝庖臣碩輔博問遐觀以

置左右億載萬年無敢余侮皇帝大孝慈祥悌

友怡怡愉愉奉太皇太后決于族親滯及九有天
錫皇帝與天齊壽登茲太平無怠永久億載萬
年為父為母博士臣愈職是訓詁作為歌詩以
配吉甫

尹吉甫周之卿士詩大雅崧高烝民韓奕江漢皆吉甫所作以美宣王中興也

琴操十首

風俗通曰琴者樂之統與八音並行君臣以相御也和樂作者其曲曰暢言其道暢美也憂愁作者其曲曰操言不失其操也琴操曰古琴曲又有十二操一曰將歸二曰猗蘭三曰龜山四曰越裳五曰幽六曰猗蘭三曰龜山四曰越裳朝飛九曰別鵠十曰殘形十一曰水仙十二曰懷陵操六曰到切
二皆伯牙所作公乃削其後水仙操而為之辭者十其九曰別鵠操而公曰別

鵠其義一而已

將歸操

琴操曰將歸操者孔子之志聞殺鳴犢而作也按史記孔子既不用於衛將西見趙簡子至於河間賈鳴犢舜華之死也臨河而歎曰美哉水洋洋乎丘之不齊此命也夫鳴犢犛舜華國之賢也簡子未得志之時須此兩人而後從政及其得志乃殺之鳥獸之於不義也尚猶知辟况乎丘哉乃還息乎陬鄉作陬操以哀之今作將歸舊註云不遇其時慮人之害我故將歸也前漢溝洫志云今有鳴犢河清河之靈縣鳴犢河是也陬音鄒

狄之水兮其色幽幽

狄一作狄水深兮風揚波

顛倒更相加歸來歸來胡為斯則作狄者是

我將濟兮不得其由涉

其淺兮石嚙我足乘其深兮龍入我舟我濟而
悔兮將安歸尤歸乎歸乎無與石聞無應龍求

猗蘭操

琴操曰猗蘭操者孔子所作也孔子聘
諸侯莫能任自衛反魯隱谷之中見香
蘭獨茂喟然嘆曰夫蘭當為衆草香今
乃獨秀與衆草為伍乃止車援琴鼓之
自傷下逢時託辭於香蘭舊註云蘭薺
麥自喻不用於我何傷乎雪霜貿貿之
時薺麥乃茂薺已居亂
薄之世自修古入之道

蘭之猗猗揚揚其香不採而佩於蘭何傷

楚辭曰

秋蘭以為佩王逸云佩飾也所以象德

今天之旋其曷為然我行

四方以日以年霜雪貿貿薺麥之茂

按月令孟夏之月靡

草死麥
子云陰
物也
音茂

有君子之傷君子之守

龜山操

琴操曰季桓子受齊女樂孔子諫之不
從退而望魯龜山作此曲喻季氏若龜
山之蔽也按史記魯定公十四年孔子
由大司寇攝行相事齊人聞而懼用犁
鋤之謀選齊國中女子八十人皆衣文
絲而舞康樂文馬三十駟以遺魯君陳
於魯城南門外季桓子卒受女樂三月
不聽政郊又不致膳於大夫孔子遂行
舊註云位之尊非其
人嗟予莫之依也

龜之氣兮不能爲雲雨龜山在魯之東即秦龜陰之地

之枿兮不中梁柱

張東子東京賦曰山無槎龜枿枿伐木餘也音牙葛切

之大兮祇以奄魯

詩頌曰奄有龜蒙遂荒大東是也知將隳兮

哀莫余伍周公有思兮嗟余歸輔

辨證引古琴操云余欲望

魯兮龜山蔽之手無斧柯柰龜山何鑿季氏於

龜山託勢位於斧柯也隳毀也左氏傳曰仲由

越裳操

琴操曰越裳操者周公所作也按韓詩外傳成王時有越裳氏重三譯而朝曰

吾受命國之黃髮父矣天不廷風雨海之波溢者三年矣意者中國有聖

人乎盍往朝之前漢張晏曰越不著衣裳慕中國化遣譯來著衣裳也故曰越

裳類師古曰國名王充論衡作越裳通典云今驩州越裳縣是也舊註雨芝則

物孳賢人道施則國治其未世荒淫者

衆人君不復艱勤以致越裳之目也

圖後漢南蠻志交趾之南有越裳國周

公居攝六年越裳以三象重譯而獻白

雉且曰父矣天之無烈風雷雨意者中

國有聖人乎有則盍往朝之乃歸于周

雨之施物以孳疾判子思二我何意於彼為自

周之先其艱其勤以有疆宇私我後人我祖在

上四方在下厥臨孔威敢戲以侮孰荒于門孰

治于田四海既均越裳是臣

拘幽操

琴操曰拘幽操者文王拘於羑里所作也文王有子周公武王皆聖是時崇

侯虎妬之譖文王於紂紂乃囚之於羑里將欲殺之文王四目散且生符以美

女獻於紂紂立出西伯通典云今相州蕩城縣古姜里城音以只切

目揜揜兮其凝其盲耳肅肅兮聽不聞聲朝不見日出兮夜不見月與星有知無知兮為死為生嗚呼臣罪當誅兮天王聖明

岐山操

琴操曰岐山操者周人為文王作也按史託公劉卒子慶節立國於豳九世而古公亶父修后稷公劉之業積德行義國人皆戴之薰育戎狄攻之欲得財物與之已復攻欲得地與民民皆怒欲戰古公曰殺我父子而君之予不忍為乃與私屬遂去豳踰梁山止於岐山之下豳人舉國復歸古公於岐下皆歌樂之通典曰今邠州新平縣即古豳國也徐廣曰今縣東北有邠亭岐山在今岐州

岐山縣舊註云追古幽公之績惠時
武也岐州今鳳翔府
子及周本紀而曰周公
為太王作思乃祖也

我家于豳自我先公伊我承緒敢有不同今狄
之人將土我疆民為我戰誰使死傷彼岨有岐
我往獨處人莫余追無思我悲

履霜操

琴操曰履霜操者尹吉甫之子所作也
吉甫之子伯奇遭後母之譖無罪見逐
自傷而作此操
吉甫聽其後妻之言逐之伯奇編水荷
而衣採掇花而食清朝履霜而自傷
無罪乃援琴鼓之見樂府古題辭

父兮兒寒母兮兒飢兒罪當答逐兒何為兒在

中野以宿以處四無人聲誰與兒語兒寒何衣
兒飢何食兒行于野履霜以足母生衆兒有母
憐之獨無母憐兒寧不悲

雉朝飛操

琴操曰雉朝飛操者收續子所作也收
續子七十無妻朝出薪于野見飛雉雌
雄相隨感之撫琴而歌齊桓士昏宣王
時人号收續子舊註云言昏姻失時也
南能吳兢樂府古題解云舊說齊王時
收續子年七十無妻出采薪見雌雉
相隨意動心感乃援琴而歌以自傷其
聲中絕魏武帝宮人有盧女陰叔之妹
七歲入漢宮學鼓琴能傳此曲至魏明
帝崩出降爲尹更生妻若梁簡文帝晨
光照妾畿但
詠雉而已

雉之飛于朝日羣雌孤雄意氣橫出當東而西
當啄而飛隨飛隨啄群雌粥粥嗟我雖人曾不
如彼雉雞生身七十年無一妾與妃按春秋運
星散為雉衡星散為雞則雉亦雞之類也故此
通言之博物志曰祝雞翁養雞法令此人呼雞
為祝祝起此
也粥與祝同

別鵠操

琴操曰別鵠操者商陵穆子所作也穆
子娶妻五年無子父兄欲為改娶妻聞
之夜驚起倚戶悲嘯穆子聞援琴鼓之
痛恩愛之求離因彈別鵠以舒憤故曰
別鵠操舊註云言人情澆薄也備商
陵穆子歌曰將乖以翼翻天端山川悠
遠路漫漫攪衣不寐食
忘飧後人因傳以為曲

雄鵠銜枝來雌鵠啄泥歸巢成不生子大義當
乖離江漢水之大鵠身鳥之微更無相逢日且
一作可相隨飛

殘形操

琴操曰殘形操者曾子所作也曾子夢一狸不見其首而作此曲

有獸維狸兮我夢得之其身孔明兮而頭不知
吉凶何知今覺坐而思巫咸上天兮識者其誰
太史公曰昔之傳天數者商巫咸咸楚辭云巫咸將夕降兮懷椒播而要之王逸以爲古之神巫也當商中宗之時要而享之以問吉凶莊子以爲鄭人字曰季咸

南山詩

昔高祖初起義師唐兵西至霍邑會天
 以雨糧且盡高祖欲還兵太原太宗諫
 曰義師起宜直入咸陽號令天下高祖
 不納太宗泣于軍門高祖寤進兵長安
 一舉而定不數年四方羣盜以控扼天
 蓋先得關中形勢之地以羣盜起吐蕃
 也厥後內治不張六盜遽起吐蕃乘隙
 內逼郊甸肅代之朝羣目奏請屢欲逐
 洛至於德宗其亂尤甚乃一切姑息之
 變生倉卒奔走奉天徒以定禍而已憲
 宗初立召愈為國子博士時屢出禁禦
 以誅藩鎮愈懼其不能治內或棄根本
 而事枝葉也於是盛誇京城之壯麗山
 川之險阻以為不可輕去為國謀慮實
 深耳遠昔宗周之末不能修成王之業
 疆理天下以奉禹功故周大夫作信南
 山之詩以刺之今考愈所作實得詩人
 之遺意焉而議者乃以杜甫北征勝南
 山未達愈之言也補註長安志終南山
 在萬年縣五十里禹貢終南惇物孔安

國以爲山名詩終南何有毛註云周之
名山終南也春秋左傳曰荆山中南漢
書太一山中又爲終南山五經要義曰太
一山一名中南山蓋終南山之總名太
一山之別號爾閔中記曰終南山一名
中南言在天中居都之南也漢東方朔
傳曰終南天下之大阻公所賦即此山
也凡百有二嶺始綴叙南山次叙四時
之變次叙方隅次叙其經歷所見或字
五十一又字一凡叙譬五十有二前年
遭譴謫公正元十九年冬自御史出爲
陽山令時被譖斥逐故其下有脫險逾
避憂之語至是元和改元自江
陵移召爲國子博士而作此詩

吾聞京城南茲惟群山囿

通典曰漢高帝自櫟陽徙都長安至惠帝

方發人徒築城今城西北古杏城是也至隋文
帝開皇二年移築新都号曰大興今城是也
德已來稱京城開元元年午谷北據渭水東臨霸
曰京城南對終南山子午谷北據渭水東臨霸

瀝西枕龍首原東西兩際海巨細難悉究福地

終南山東接驪山太華西連太白隴山北去長

安八十里南入楚塞連蜀東西諸山周回数百

里名曰山經及地志茫昧非受授福地

秋曰禹按黃帝中經見聖人所記曰在九疑山

東南天柱号曰宛委承以文玉覆以盤石其書

金簡青玉為字編以白銀皆琢其文禹乃東巡

登衡山求之赤繡文衣男子自稱元夷倉水使

若來候禹令齋三日更求之禹乃三日齋登宛

委山取書得通水之理遂周行天下使益疏記

名山海經也地志者地圖所志也周禮鄭氏云

若今司空所掌部國輿地圖言山經地圖去出

逾遠非親受於昔人今觀團辭試提挈掛一念

之則茫然闇昧不可詳悉

萬漏欲休諒不能粗叙所經觀張茂先鶴鵠賦

常昇崇丘望戢戢見相湊爾雅曰山之魁梧集

音側立切晴明出稜角縷脉碎分繡蒸嵐相湏洞表

裏忽通透

蒸嵐山氣也湏洞相連屬只湏湖洞切淮南子曰山雲蒸而柱礎潤

無

風自飄簸融液煦柔茂

融液亦山之氣郭景純江賦云雲霧之所蒸波

晉諸公贊曰融液騰怪

橫雲時平凝點點露數岫

岫音

袖天宇浮脩眉濃綠畫新就

天宇字出陶潛詩一作天空非謂天

之覆地如瑩字也而京雜記云文君眉色不加黛飾常如遠山東坡贈歐陽晦夫云我懷汝陰

六一老眉宇秀奔如春密是用天宇字讀也夫愈以高才博學為唐巨儒蓋得孔孟之心故其

奔為文章立意造語遂為後世之宗匠近時追倣其作者不可勝數如歐陽公蘇氏父子皆尊

而師之東坡廟碑之作有曰匹夫而為百世師一言而為天下法嗚呼大哉雖親炙其教誨号

為韓門弟子如李翱皇甫湜李漢之徒安能見到此是以下筆之際或用其事或用其意或

用其字讀之而韓意愈明者兼孤撐有巉絕海

浴褰鵬噉言險絕也史記楚世家射鵩鳥於東海

鵬海鳥也音居言切噉音抽更切巉險也鋤銜春

陽潛沮洳濯濯吐深秀言春陽夏炎秋寒冬雪皆

詠其意沮洳漸濕也上將稼切下如居切濯濯

如春月柳巖巒雖律舉輒弱類舍耐巖山小而

切澤舉峯頭巉巖也上劣戌切下促律切上林

賦云其山則隆崇嶺舉又西都賦巖峻峭崿皆

指南山而言也與此同義鄭氏註月令云夏炎

百木盛蔭鬱增埋覆釋木云蔽者翳也神靈日歆

歆雲氣爭結構言山之神靈出雲吐氣日相歆

雲為風雨見怪物皆曰神歌殿秋霜喜刻轉磔

氣上出只上虛矯切下休居切

卓立癯瘦體之癯瘦也古者死刑皆磔於市磔

竹宮切癯亦瘦也音權俱切轉一作鏢非是參差相疊重剛耿凌宇

宙參差不齊也西京賦曰冬行雖幽墨冰雪工

琢鏤爾雅曰金謂之鏤玉謂之琢鏤之形如白玉然新

曦照危峨億丈恒高表曦日光也虛其切億丈

曰表丈則表沴於陰德過秦論云據億丈之城

表莫候切說文云東西曰廣南北曰袤也

明昏無停態頃刻異狀候沈休文鍾山詩曰奔

狀西南雄太白突起莫閒澄言太白山在京城

山莫能齊也水經云武功縣有太白山為終南杜預以為中南也亦曰太白山在武功

縣南去長安二百里不知其高幾何俗云武功
 太白去天三百山下軍行不得鼓角以其輒致
 雷雨故也東坡奏乞封太白山神狀云伏見鳳
 翔府郿縣太白山雄鎮一方載在祀典案唐天
 寶八年詔封山為神應公迨至皇朝始改封侯
 而加以濟民之号自去歲九月不雨父老咸謂
 此山舊有湫水試加禱請必獲響應告封為明
 應公又詩曰平生聞太白一見駐行騶鼓角誰
 能試風雷果致不巖崖已奇絕冰雪更瑯瑯春
 早憂無麥山靈喜有湫蛟龍懶方睡鉶罐小容
 偷造初救切樹救夜
 琴賦云承閒遑乏
 蕭謂蕭王所居東宮也都謂帝都也德運五德
 之運水木火金土也丁戊西南之位坤母之所
 在故配德運者各以所正
 而宅之唐土德故占丁戊
 乾竇以坤位為超越而築居之以乾竇為陷絕
 放太紫之圓方是也凡此數略皆言京城者帝
 王之都祖宗之舊宅有德則易以昌不可一日

輕也去空虛寒兢兢風氣較搜漱朱維方燒日陰

霰縱騰糅朱維謂南方祝融主夏之神陰霰積雪也騰糅猶流散也言太白之高積

雪至夏方散也類弁詩曰維彼雨雪先集惟霰

毛云霰暴雪也將大雨雪始必微溫雪自上

遇溫氣而傳謂之霰久而寒勝則大雪矣謝惠

連雪賦云霰浙漚而先集雪紛糅而遂多霰先

見切糅昆明大池北去覲偶晴晝絲聯窮俯視

倒側困清漚前漢書昆明池武帝所穿也初漢

上林象滇河作昆明池以習水戰中有大松樓

船百艘石鯨石鼓演音頗閑中記云昆明池堯

治水訖停船此池蓋堯時已有池漢代因而深

廣之西京雜記云池周回四十里魚給諸陵庶

祭祀倒側謂魚鼈之屬言多也枚乘七發云魚

鼈失勢顛倒偃側按愈日食詩亦云翎翮倒側

相持撐是也漚停微瀾動水面踊躍躁糅狖驚

水也音烏候切

呼惜破碎知喜呀不仆

言波闌聚散不常可觀而喜也東坡春思詩云

西湖忽破碎鳥落魚動鏡即此意保依屬奴刀切坎鼠屬余救切躍躍也子到切馬嘶苗賦云

魚鼈禽獸拊譯踊躍也音當作課呀開口也音虛加切仆頓也音敷救切

前尋經杜

墅全蔽畢原陋

舊史憲宗紀宰相杜佑與同列宴於樊川別墅即此地杜一作

社非墅田廬也音上與切全塵也音火吻切畢道名爾雅釋丘曰畢堂牆郭璞註云今終南山

道名畢其邊若堂之崎嶇上軒昂始得觀覽富牆也原陋疑亦地名

行行將遂窮嶺陸煩玄走

窮極也陸道也煩多也走趨也音奏言行

軒昂之更觀覽既富將遂極其所止而橫嶺之道又復交進莫知所適言愈高也范蔚宗應詔

詩云隨山上樞嶽瞻目有極覽呂勃然思坼裂

向註天台山上賦云平而橫曰嶺

擁掩難恕宥

言山愈高思欲坼裂其擁掩之巨所也故下繼以巨靈夸娥事

靈與夸娥遠賈期必售

述征記曰華山對河東首陽山黃河流于二山

之間云舊本一山巨靈所開今觀手跡于華岳而跡跡在首陽下西京賦云巨靈鼉高掌遠

蹠厥跡猶存列子曰太行王屋二山方七百里高萬仞本在冀州之南河陽之北北山愚公者

年且九十面山而居懲北山之塞出入之適也聚室而謀將移之操蛇之神聞之山神懼其不

已也告帝帝感其誠命夸娥氏二子負山一措朔東一措雍南自此冀南漢陰無隴賈古售音

承呪切說文云賣去手也衛谷風詩曰既還疑阻我德賈用不售此言有德者方可居之還疑

造物意固護蓄精祐言二神開山有造物者蓄其精神以祐助之也祐于

放切說文云力雖能排斡雷電怯呵詬之言雷電神助者也

能排斡然且尚怯於呵詬開山之任非二神不可也木元虛海賦云雷呵電激响與詬同音

攀緣脫手足蹭蹬抵積甃下丁鄧切抵至也

續甃山半石切茫如試矯首埴塞生恟愁向愁懼也

也舉首而觀則山勢愈高目前埴塞可為懼也

九章云直恟恟而自若威容喪蕭爽近新迷遠

舊拍官計日月欲進不可又因緣窺其湫凝湛

閱陰罍一作獸非罍產也許救切古畜字陰罍

皆謂之湫子由切閑也兵媚切魚蝦可俯掇

神物安敢寇明月也都活切魏武帝樂府詩云

疑不可勝言怪林柯有脫葉欲墮鳥驚救爭銜

鸞環飛投棄急驚言有葉欲落龍潭則鳥飛

坡遊白水山詩云坐看鷺鳥放霜葉知有老蛟

蟠石甕即此意也驚音冠字林云鳥子須哺曰

驚自食旋歸道回睨遠杵壯復奏吁嗟信奇怪

峙質能化質耕伐木餘也奏進也謂斬而復生

也貿易也莫候切蓋記前年遭譴謫探歷得邂

逅正元十九年冬愈以御史言事與同僚張豫

事經過一席是也探試也歷過也言本非遊覽因

而會初從藍田入顧盼勞頸脰通典云藍田關

有虎候曰球次曰藍以出王故名之地道記云關

頸也大透切謝靈運時天晦大雪淚目苦矇瞶

矇瞶不明路按縣齋有懷詩云捐軀辰在丁綴蘭

也故祭祿文云歲弊寒兇雪虐風號峻塗拖

長冰直上若懸溜拖曳也徒可切溜水注下寒

衣步推馬顛蹶退且復愈文云顛於馬下蒼黃

忘遐晷所矚纔左右遠望曰矚近視曰矚朱欲切杉篁

咤蒲蘇泉耀攢介胄言松竹森然如介胄之攢立愈增寒慄也爾雅云杉

似松師銜切篁竹名胡光切蒲蘇五采為馬飾見張平子東京賦泉耀白色介胄兜鍪也

專心憶平道脫險逾避宴曹大家東征賦云既免脫於險峻昨

來逢清霽宿願忻始副此指言為國子博士府也荆州記曰衡山秀峯

最為疎桀自非清霽素朝崢嶸躋寥頂倏閃雜

不可望見副稱也扶掖切崢嶸躋寥頂倏閃雜

飛生鼯赤黃而大食鼠前低劃開闊爛漫堆衆

者上訛胡切下余救切前低劃開闊爛漫堆衆

或

衆鉞重疊之象鉞側救切

或連若相從或蹙若相鬪

蹙也子

六

或妥若弭伏

伏鳥范子也扶富切又音服可圖挺佐輔曰黃帝脩德萬邦弭

伏

或竦若驚雉

楚辭云雉成雉兮相求王逸註去飛鳥驚鳴雄雌相合也

散若瓦解

下買切

或赴若輻輳

前漢叔孫通傳四方輻輳顏師古註

子

六輻聚也言車輻之聚於轂也

或泛若船遊

莊子云泛然若

或決若馬驟

驟馬步疾也音鉅救切

或背若

相惡或向若相佑或亂若抽荀或嶮若炷灸

音救

或錯若畫繪

錯雜也爾雅云繪者畫之始

或繚若篆籀

繚繚也胡

鳥切籀周太史名宣王時始著大篆十五籀或與古同或與古異世謂之籀書是也籀音冑

或羅若星離

星離而絜羅離散也

或莠若雲逗

菊鬱也烏孔切近止也大透切或浮若波濤濤

波也木元虛海賦云納歸雲之菊鬱或浮若波濤

溢浪揚浮飛沫起濤或碎若鋤耨說文云薄

或從耒纂文曰耨如鏟柄長或如賁育倫賭勝

三尺廣二寸以刺地除草

勇前購先強勢已出後鈍嗔詎譎孟賁夏育皆

勝謂較量其力負重扛鼎之類勝則取財也購

以財設賞也居候反強鈍勝負也勝者氣勢橫

出則負者嘆塞不能言矣或如帝王尊叢集朝

詎譎不能言也音圖耨賤幼雖親不褻狎雖遠不悖謬謬戾也或如臨

食案者核分飮館賓之初筵詩云肴核惟旅曲

載飮館上先定又如遊九原墳墓包棹趙文

子與叔譽遊於九原流連下淚以思隨會鄭氏

云九原晉大夫葬所也按擅弓篇又作九京通

古

典云今汾州隰城有漢京或累若盆甕漢甕也

傳音義曰謂瓶之大或揭若登豆說文云豆古

腹小口者也於莖切或覆若曝鱉鱉伏隨日謂

木或從竹登瓦豆也或類若

都滕反豆大透反或類若

隨日光所轉朝首東鄉夕首西鄉或類若

日也音薄報切本一作暴俗作曝非也或類若

寢獸或蜿若藏龍或翼若搏

鶯顏氏家訓曰鶯一名鶯其或齊若友朋或隨

若先後詩傳相導前後曰先後方言云先後

弟妻相謂為先後音線後音詒或逆若流落潘安

予曰有先後音線後音詒或逆若流落潘安

或矣若仇讎或密若婚媾或儼若峨冠峨高自

紛以逆落或顧若宿留秀留行相待也本作偽

或矣若仇讎或密若婚媾或儼若峨冠峨高自

冠冠洋雲或翻若舞袖傳武仲舞賦云羅或屹若

戰陣屹危或圍若蒐狩蒐狩田獵名左氏傳

冬狩萬物畢云蒐擇取不狩萬物畢云蒐擇取不或靡然

東注海水司馬東流為順故禹貢導水皆言東入于

或偃然北首北首嚮也禮記達禮弓云葬於北方或

如火熺煙熺煙也或若氣饋餽餽飯餽飯氣蒸也

郭郭璞云今呼餐飯為饋熟或行而不輟洞蕭試

云或行而不留或遺而不收小雅大田之詩曰

禾也齊禾未束也東把也穗穗注云獲收也雅幼

或斜而不倚或弛而不殼或赤若禿禿亦禿

下或燠若柴說文云燠煙上出也本作

燠俗作燠非是周禮大宗伯掌燠祀之禮以實

之言煙周人尚臭煙之氣臭聞者三祀皆積柴

謂積火燎之或如龜拆兆周禮卜師掌開龜之

也音余救切

或若卦分繇繇卦占辭也直又切易疏曰伏義畫

屬之辭演一卦德或前橫若剥剥卦艮上坤下

陽為上九或後斷若姤姤卦名乾上巽下一陰

故曰前橫或後斷若姤姤卦名乾上巽下一陰

後斷延延離又屬言絕而復續也吳都賦云長

吏吏叛還言去而復來也喁喁魚鴈萍

禹鴈魚口上出也魚容落落月經宿宿列星也

切闔亦出自音魚禁切

閭閻樹墻垣巘巘架庫廐巘疑作巘又京賦云

賦大飛欄翼以軒翥反宇欄向以高墜註云轆轤

參參削劍戟戟參音疏簪切煥煥啣瑩瑋瑋瑋文石

之次玉者洪興詩云充耳瑋瑋紫定切瑋瑋石

善也填璧於中故言街行列其璧帶往往為黃金

街謂街壁也事見西都賦之敷敷花披萼萼華

通作鄂闕闕屋摧雷說文云雷屋水流也禮記

明入中謂之中雷今之星當棟乙及反悠悠舒而安兀

兀狂以狂超超出猶奔蠢蠢駭不懋大哉立天

地經紀肖營腴音厥厥初孰開張鼃勉一作倏誰

勸侑

言元氣肇判天高地下萬物散殊各有條理猶人身之有營腠也究其初始孰主而

開張之孰從而勸侑之皆不可知也淮南子云

六合之間四極之內經以星辰紀以四時人十

月而生形體以成五藏乃形亦有經紀此天

之門肖也營血氣也膜膚理也龜勉用力也字

林云龜善怒故音猛而謂怒力為龜勉或作

龜音彌盡切侑音宥勸食也又爰救切

扑而巧戮力忍勞疲得非施斧斤無乃假詛呪

鵠荒竟無傳功大莫酬儻

此言巨神并力開山之時雖有疾病忍而

不言將施斧斤資人力以爲之抑假詛呪藉神謀以助之乎其事在於鵠荒之代終不傳聞也

常聞於祠官芬苾降歆嘏斐然作歌詩惟用贊

報醑祠官禮官也芬苾黍稷馨香之氣歆嘏神

祭祀天地鬼神既降而歆享之矣當作歌詩聲於樂府以助天子之報醑神祇也信南山之詩

曰老常謂老杜北征勝南上草莽切下蒲蔑切孫
山勝北征終不能相服時豫章先生尚少乃曰
若論工巧則北征不及南山若書一代之事以
與國風雅頌相為表裏則北征不可無而南山
雖不作未害也
甫北征雖不作
可也
酹于救切

謝自然

集仙錄謝自然者其先兗州人父袞居
果州南充為從事母胥氏亦邑中右族
自然性穎異其人不食葷血所言多道家
事詞氣高異其家在大方山下山頂有
古像老君自然因禮拜不願下母從之
乃遷居山頂自然常誦道德經黃庭內
篇年十四其年九月因食新稻米飯六
盡是蛆蟲自此絕粒後於開元觀誦純
粒道士程太虛受五千文紫靈寶錄正
元九年刺史李堅築室於金泉山移居

之有石室惟容一床四邊繞通人行又
有兩虎出入必從他人至則隱伏不
每行止則諸神侍衛自言將授東極
人之任屢有天使降鸞鶴千萬眾仙
集自然絕粒丸一十年晝夜不寐兩
忽有印形並膝則兩印相合分毫無
又有神力日行數百里或至千里人
知之瞑夜深室纖微無不洞鑒又不
綿續寒不近火熱不燥扇人問吉凶
悉無不知者正元十一年十一月九
詣州與李堅別云中旬的去十二月
時於金泉道場白日昇天士女數千
咸共瞻仰祖母周氏胥氏妹自柔
李生聞其訣別之語曰勤修至道須
五色雲遮巨一川天樂異音散漫
所着衣冠簪帔一十事脫留小繩
結繫如舊刺史李堅表聞詔褒美
堅述金泉道場碑立本末為傳云

果州南充縣寒女謝自然童騃無所知但聞有

神仙輕生學其術乃在金泉山繁華榮慕絕父

母慈愛捐凝心感螭魅慌惚難具言公排斤仙道言謝女

感妖恠而去非仙也慌惚無形也雨雅曰有光而無象謂之恍有一而未形謂之惚上虛晃切

下胡骨切螭丑知切一朝坐空室雲霧生其間

如聆笙竽韻來自冥冥天白日變幽晦蕭蕭風

景寒冥冥高白楚辭云晦簷楹氣明滅五色光屬杳冥冥芳羌晝晦

聯屬連也觀者徒傾駭躑躅詎敢前躑躅住足也上直灸

切下音須臾自輕舉飄若風中煙茫茫八絃大

影響無由緣淮南子曰九洲之外而有八絃許氏云絃維也維絡天地而為之表

故曰絃也影響無由緣里胥上其事郡守驚且

言謝女之影無由復見

觀一作驅車領官吏忙俗爭相先入門無所見

冠屨同蛇蟬神仙傳漢武帝時李少君化去及

說蛇音稅皆云神仙事灼灼信可傳余聞古夏

去皮也後象物知神茲山林人可入魍魎莫逢旃左氏

三年王孫滿曰昔夏之方有德也遠方圖物貢

金九牧鑄鼎象物百物而為之備使民知神姦

故民入川澤山林不逢不若螭魅罔兩莫能逢

之杜預註云象所圖物著之於鼎使民逆備之

螭山神魅也音之延切委迤不復振後世恣欺

謾幽明紛雜亂人鬼更相殘言夏政既衰後世

無為有交恣欺謾使妖魅憑藉得以惑亂於人

從此幽明雜亂人鬼相殘矣委迤表去貞上

危切更音庚秦皇雖篤好漢武洪其源言仙道

始於秦

皇大於漢武也茅盈內記曰始皇三十一
月庚子盈曾祖父蒙乃於華山之中乘雲駕龍
白日昇天先是其邑謠歌曰神仙得者茅初盈
駕龍上果入太清時下玄州麒麟赤城經世而往
在我盈帝若學之臘嘉平始皇聞謠歌而問其
故父老對此仙人之謠歌勸帝求長生之術於
是始皇乃有尋仙之意因敗臘曰嘉平史記孝
武即位之明年李少君以祠竈穀道却老方見
上上尊之以為神數百歲人為黃金少君言於
祠竈則致物而丹砂可化為黃金黃金成以為
飲食物則不死黃帝是也於是天子始親祠竈而
封禪則不死黃帝是也於是天子始親祠竈而
遣方士入海求蓬萊安期之屬而海上燕齊迂
恠之士多相効更言神仙事而文成五利之言
不効卒自從二主來此禍竟連連木石生怪變
以誅死自從二主來此禍竟連連木石生怪變
狐狸騁妖患莫能保性命安得更長延
怪曰蔓罔兩薛綜云蔓如龍有角鱗甲光如日
月見則其邑大旱說文曰妖狐獸鬼所乘也名

山記曰狐者古之淫婦其名曰紫化而為狐故其性多自稱阿紫此又言謝女感妖性而去非

真仙也患音胡閑切人生處萬類知識最為賢奈何不自

信反欲從物遷往者不可悔孤魂抱深冤來者

猶可誠余言豈虛文人生有常理男女各有倫

寒衣及飢食在紡績耕耘紡網然也撫罔切績

苗間穢也于分切前漢主父下以保子孫上以

奉君親苟異於此道皆為棄其身噫乎彼寒女

永託異物羣異物羣魅之類魏文帝與吳質書

子思詩話云姑射之顛崆峒之虛有人焉世間

萬態一不得以經其心故形可練而澤也生可

有斯歸盡陰陽且爾況入乎至於雲中雞犬猶

裏衣履似不近人情謝自然乘雲氣以登天韓
退之直惜其為異物所遷而永託異隣亦至論
也感傷遂成詠昧者宜書紳紳不紳大帶也書紳示
諸紳公力排異教以主盟吾道故詩有所不取也
公紳排異教以主盟吾道故詩有所不取也

秋懷十一首

晉謝惠連有秋懷詩注云感秋而述其所懷也
作此文選體也唐人為諸儒唱文選弗論也
以六經之文為諸儒唱文選弗論也
於李邦墓誌曰能暗記論語尚書毛詩
左氏文選而公詩如自許連城價傍砌
看紅藥眼穿長訝雙魚斷皆取
諸文選故此詩往往有其體焉

窻前兩好樹衆葉光蕤蕤

蕤蕤茂也詩曰黍稷

奇樹綠葉

秋風一披拂策策鳴不已

也策策落

素聲莊子天運曰微燈照空床夜半偏入耳愁

憂無端來感嘆成坐起淮南子曰自無蹠有自

天明視顏色與故不相似義和驅白日

疾急不可恃山海經曰東南海之外甘水

每多塗趨死惟一軌言賢愚同歸於死也魏志

胡為浪自苦得酒且歡喜

白露下百草月令孟秋之月白露降

蕭蘭共凋悴蕭艾蒿也

青青四墻下已復生滿地古詩云青青

寒蟬

醉秦

暫寂寞蟋蟀鳴自恣

按月令仲夏之月涼風至

白露降寒蟬鳴釋之者曰夏至之氣初五日庚角解次五日白露降後五日寒蟬鳴是則蟬有兩種方言曰蟬者楚人謂之蜩宋衛之間謂之螳今胡蟬也鳴聲清亮江南人亦呼為蜩螳即月令仲夏所為是也爾雅云蜩寒蜩一名寒蜩似蟬而小青赤桑邕月令章句云蜩則天涼故謂之寒蟬即月之孟秋所鳴是也蓋胡蟬已則寒蟬然後鳴故楚辭謂悲秋云蟬寂寞而無聲又云蟋蟀鳴此西堂謂胡蟬也今公引用楚辭之言而誤以胡蟬為寒蟬蓋白露之後寒蟬正鳴不得云寂寞也蟋蟀促織也立秋鳴者
無窮期稟受氣苦異之言或謂運循環無有盡期草
運行鳴皆以受天地之氣各異也白露下百草以況時治尚刑蕭蘭共凋悴以况賢否不分青青四
況下已復生蒲地蟋蟀鳴自恣以
適時各得所
况君子失時此皆法楚辭之意

松柏不必貴

言衆人隨時仰獨

彼時何卒卒

卒卒猶忽也蒼沒切司我志何

曼曼

曼曼緩也無服切楚

犀首空好飲

史記犀

之陰晉人也名衍姓公孫氏相素惠公陳軫常

問曰公何好飲也曰無事也司馬彪云犀首魏

官名若今廉頗強能飯之史記趙將廉頗居梁以

者視尚可用否趙使還報王曰廉將軍雖老尚

善飯然與且坐久之三遺矢矣趙王以爲老遂

不召學堂日無事驅馬適所願茫茫出門路欲

去聊自嘆歸還閱書史一作簡書文字浩千萬塵跡

竟誰尋賤嗜非貴獻丈夫意有在女子乃多怨

秋氣日惻惻

惻惻慘也察色切謝靈

秋空日凌

凌凌凌寒也虛承切六上無枝上蜩下無盤中

蠅豈不感時節耳目無所憎淮南子曰無所清

曉卷書坐南山見高稜說文六稜非是音盧登反

其下澄秋水有蛟寒可曾蛟龍屬山海經六似

白嬰大者十圍生子如一二解惜哉不得往豈

謂吾無能晉周處劉遐皆能入水捕蛟今以不

怪物而不感然後

離離掛空悲離離下垂良言秋氣之可悲亦離

辭宋王九辯云悲哉秋之為氣慼慼抱虛警慼慼

也蕭索兮草木搖落而變衰

憂也倉歷切警誠也舉影切謝惠連詩曰慼慼

抱遙悲風土記曰白鶴性微至白露降即高鳴

旦

正

相與同露滴一作泣秋樹高蟲手寒夜永皆悲

意斂退就新儒謂乞分趨營悼前猛詩舍神霧

仲秋之位男歸愚識夷塗汲古得脩綆夷平也

綆汲繩也古杏切莊子云名浮猶有耻禮記先

尊名節以益惠耻名之浮於行也註云味薄真

自幸風俗通曰臘正祖食得免贖者名之庶幾

遺悔尤即此是幽屏論語言寡尤行寡悔

今晨不成起端坐盡日景光也居蟲鳴室幽幽

月吐窻固固歲文曰固固窻彌翼癸癸開明也俱

齊日記云古人下連綿字不虛發如老杜野日

荒荒白江流泯泯清退之云月吐窻固固皆造

微入喪懷若一作迷方鮑明遠詩云南國有儒

於所浮念劇舍梗劇甚塵埃慵伺候前漢杜周

治大抵放張文字浪馳騁尚須勉其頑王事有

朝請漢書吳王傳孟康曰漢律春日朝秋日請

大縣數四所加特進奉朝請師古云請才性切此詩作上聲讀

秋夜不可晨秋日苦易暗夜長不可待晨日短

所謂志士苦日短我無汲汲志何以有此憾寒

雞空在栖月缺煩屢瞰言感嘆二事將欲就

于時雞栖于桀鄭氏云鑿垣而棲曰塒于桀

焚之朝落悼望舒之夕錢職視也音苦濫切有

琴具徽絃再鼓聽愈淡

再鼓謂若伯牙之類呂氏春秋曰伯牙鼓琴鍾

子期善聽之方鼓琴志在泰山鍾子期曰善哉乎鼓琴巍巍乎如泰山志在流水鍾子期曰善哉乎鼓琴洋洋乎若流水子期死伯牙遂斲琴

絕絃終身不復鼓琴以為世無知音無足與鼓

琴者古聲久埋沒無由見真濫低心逐時趣苦

勉只能暫古聲雅正之聲謂若白雪清角有如

乘風舡一縱不可縱言聲音漸變去古愈遠如

絙也不如觀文字丹鈔事點勘任丹朱也如筆也

音濫豈必求贏餘所要石與飢後漢馬援曰士

食裁足致求贏餘徒自苦耳前漢楊雄家無擔

石之儲應劭曰齊人名小兒為擔受二斜晉

日石斗石也或曰擔者一人之所負擔也

卷卷落地葉隨風走前軒

卷卷落葉飛古轉切

鳴聲若有

意顛倒相追奔空堂黃昏暮

淮南子曰黃昏是謂黃昏

我坐默不言董子自外至吹燈當我前問我我不

應饋我我不餐

說文曰餐吞也千變切俗作食非是

退坐西壁下

讀書

一作詩

盡數編

編以繩次物以寫文字如孔子讀

易韋編三絕漢路溫舒貧乏裁蒲為編是也

作者非今士相去時已

千其言有感觸使我復悽酸

悽酸悲也酸辛也顧謂爾童

子置書安且眠丈夫屬有念事素無窮年

謂也

霜風侵梧桐衆葉著樹乾

著附也

空堦一片下

瑋若摧琅玕

瑋王聲也初構切琅玕石而似珠音郎干山海經曰崑崙山有琅玕

樹謂是夜氣滅望舒實其團

望舒月也釋名曰望月滿之名日月

遙相望也實其團謂月蝕也

青冥無依倚飛轍危難安

飛轍月御

驚起出戶視倚楹父沈瀾

沈瀾江白傷月蝕也沈瀾官切歐陽建詩

日揮筆憂愁費暑景

後漢志冬至之日暑景極短注云

冬至暑長一丈三尺立春暑長一丈一尺三分

六分夏至暑長一尺四分立秋暑長一尺四分

一丈一尺四分光曰景日影曰暑矩筭切日月如跳丸

跳丸上之揮霍注云跳音條弄也九鈴也揮霍

九鈴上下自言日性月來循環無窮其速如此迷復不計遠為君駐塵鞍最處復後是迷復者

也以迷求復故曰迷復楚辭曰朕車以復路兮
及行迷之未遠此公自謂不知當時以贈友人

暮暗來客去羣囂各收聲悠悠偃宵寂悲悲言長也

卧也寂靜也疊疊抱秋明切秋明謂月也世累忽進

慮外憂遂侵誠強懷張不滿弱念缺易盈強懷壯懷

也張不滿喻之以弓老子曰心使氣之謂強弱念私念也缺易盈喻之以月江文通雜體詩曰

行光自容裔無使弱思侵謝靈運方詰屈避語

穿窬茫觸心兵敗虞千金棄得比寸草榮言失重而

得輕也知恥足為勇晏然誰汝令中甯曰知取近乎勇

鮮鮮霜中菊既晚何用好揚揚弄芳螭爾生還

不早運窮兩值遇婉孌死相保以菊以秋而芳螭以菊而至以况

朋友以義相結南田詩曰蛇兮變兮蛇變顧慕
 良也東坡公甘菊詩新黃蔚已滿宿根寒不搖
 揚揚弄芳蝶生死何足道頗訝昌黎翁恨爾生不早蓋反其意而用之也西風蟄龍
 蛇衆木日凋槁由來命分爾泯泯豈足道仲禮記
 之月蟄虫坏戶殺氣浸盛西風肅殺之氣以况
 小人龍蛇變化之物以况君子言小人用事君
 子退藏有位者皆蒙其毒時運不與之則
 將就泯滅豈足道哉此因秋自悲之辭

赴江陵塗中寄三翰林

愈以德宗正元十九年秋拜監察御史
 冬十二月坐言事貶連州陽山令二十
 一年二月逢恩移江陵法曹參軍按新
 舊史皆言公上疏極論宮市德宗怒之
 貶陽山令至論宮市跡則遺佚不載亦
 不見於本集意者鯁言直論冒犯宸威
 以至遷謫乎而此詩自言綠上跡論天
 旱人飢得罪與新舊史所載不同然旱

疏錄在本集觀其辭意未必可罪今乃
叙為放逐之由抑懲宮市事遂乃避護
諱而不復言乎補註王二十六補闕名淫
李十一拾遺名建李二十六貞外名程
此詩公永正元年秋自陽山令徙掾江
陵而作舊史謂公上章言宮市聚為陽
山令而新史亦云上疏極論宮市今觀
此詩蓋自陽山赴江陵因詩序其曰所
以得罪之由大抵緣京師早民流且死
公乃拜疏論列未嘗言宮市也及觀李
習之狀公行但云為幸目所惡出為
陽山令惟皇甫持正神道碑云正元十
九年閏中旱飢吏刻取恩先生列言天
下根本請民緡徭而免田租專政者惡
之出為陽山令正與此詩意合又考之
於集則有御史臺上論天旱人飢狀而
史所謂宮市疏則亡雖或有遺佚然此
詩蓋自公口出而持正又當時所從游
是知公自御史逐為陽山令以
論天旱人飢不以論宮市也

孤臣昔放逐泣血追愆尤孤臣公自謂禮記檀弓曰泣血三年鄭氏

云泣無聲如血之出也張平子東京賦汗漫不

省識恍如乘桴浮許氏註淮南子曰汗漫然不

註云編竹木為之大者或自疑上疏上疏豈其

由疏在本集下是年京師旱田畝少所收是年

元十九年也按帝紀自正月上憐民無食兵作

征賦半已休有司恤經費未免煩徵求後漢范

王莽頻發兵富者既去急貧者固已流傳聞閭

里間赤子棄渠溝持男易斗粟掉臂莫肯酬我

時出衢路餓者何其稠酬答也稠多也親逢道

死者佇立久呻吟

佇立久立也呻吟嘆辭也東

歸舍不能食有如魚掛鈎

言鯁也陸士衡文賦曰沉思怫鬱若游

魚銜鉤而出

適會除御史誠當得言秋拜疏移

閣門為忠寧自謀

語曾子曰為人謀而不忠乎子為

上陳人疾

苦無令絕其喉

後漢霍諝奏記於梁商曰療飢

已絕咽

下言畿甸內根本理宜優

周禮王畿千

謂京師優饒也

積雪驗豐熟幸寬待蠶

言今

蠶可以為來歲豐熟之兆苟寬貸租限以俟畢

云豐年之冬必有積雪思文詩

天子惻然感司

空歎綢繆

同中書門下平章事綢繆猶纏綿也

上陳留切謂言即施設乃反遷炎洲炎洲南方

下炎洲在南海中連州雖非同官盡才俊偏善

柳與劉同官為僚謂同為御史者雖衆獨與柳

太子劉柳以名重一時與之交或慮言語洩傳

之落冤讎二子不宜爾將疑斷還不或人謂公

聞而疑之中復自新日二子必不然也不方鳩

切中使臨門遣頃刻不得留臨門謂御病姝卧

牀褥分知隔明幽姝美自干施詩曰彼姝者子

悲啼乞就別百請不領頭領頭低頭也謂中使

秋傳日迎于門弱妻抱稚子出拜忘慙羞妻

之而巳音五感切

盧僊僊不迴顧行行詣連州僊僊行良上滿盡切古詩曰行行重

生別離與君朝為青雲士暮作白首囚商山季冬

月冰凍絕行輶春風洞庭浪出沒驚孤舟商山

輶車輶路之所經過踰嶺到所任低頭奉君侯者

西自衡山之南東窮于海一山之限雨而別標

名則有五焉鄧德明南康記曰大庾嶺一也挂

陽驛田嶺二也九真都庵嶺三也臨賀萌王嶺

四也始安越城嶺五也通典曰驛田嶺今郴州

臘嶺是也公與張豫同聚南方公為連州陽山

侯州下則知公與豫同出驛田嶺豫酸寒何足

道隨事生瘡痍羣而贅疣亦贅也于求切遠

地觸塗異吏民似猿猴猿猴一種而異名公送

□

後可告以生瘳多忿很辭舌紛嘲啁瘳瘳也嘲燕雀聲

人曰孫權性既滑稽朝啁無方白曰屋簷下雙

見射訓狐詩鶴虛有蛇類兩首賈誼書孫叔敖見兩頭蛇殺而

有王蠱言群山飛五游十
蠱蟲名謝靈運詩

家滅者則飛游妄逐無行客中者窮冬或搖扇盛

家滅者則飛游妄逐行客中者
昔病死言病行客使無光輝也
窮冬或搖扇盛

夏或重裘颶起最可畏訇哮簸陵丘雷霆助光

在氣象難以侔訇大聲也言風雷相助則訇

之象卒難此也雷音懼彼人六風

來至三日不聞雞犬之聲如有所憂懼也今本

或作颶字從貨貝之貝非也國史補云南海有

大颶風四面而至倒屋拔木或數年一作將作

則多虹蜺謂之颶母春夏多雷無日無之秋冬

則伏地中狀如蟻人取食之亦有雷斧雷墨可

入藥用穀梁傳云陰陽相薄感

而為雷激而為霆訇宏切

家無一瘳南方多熱故積為疫

按輒懷愁見上註前日遇恩赦私心喜還憂果

然又羈繫不得歸勑正元二十一年正月甲子

大赦公以恩內徙江陵法曹參軍言又以執事

羈繫不得歸田也羈馬絳也上居宜

切下執立切莊子曰連之以羈馬此府雄且大

騰凌盡戈矛北府江陵府也音於求切此府雄且大

巴東接雲夢一都會也其地居洛陽正南唐為

萬接法曹掾何處事卑取接法曹掾令定罪盜

為是接接者欺唐制州郡法曹掌律令定罪盜

賊賊贖之事漢書音義曰正曰掾副曰屬掾俞

仁義所學皆孔周早知大理官不列三后儔尚

呂刑曰乃命三后恤功于民伯夷降典折民惟

刑禹平水土主山川稷降播種農殖嘉穀三

德皐陶作士雖助成治道而不列於三后之儔

官素為廷尉漢景更名大理至唐因之王逸註

楚辭云二一人為儔何况親犴獄敲榜發姦偷懸知

矢事勢恐自罹罟罟言法曹親犴獄事敲榜罪

太過則小人側目自知處非其職朝夕恐懼慮

不治大亦善守獄故謂之犴敵橫擿也榜笞擊

也上丘交切下薄庚切且罟獸也湘水清且急凉

風日脩脩流水經湘水出零陵始安陽海山東北

深五六丈見底了了石如樗蒲五色鮮明爾

雅曰北風謂之涼風脩脩風聲也言此者懷北

歸之思張平子思元賦云寒風淒其永至兮

穹岫之騷騷李善曰騷騷風勁也音脩脩

胡為首歸路旅泊尚夷猶謂泊江陵也首舒救

燕路夷猶猶豫也楚辭昨者京使至嗣皇傳冕

九歌曰君不行兮夷猶

疏嗣皇謂憲宗也永正元年七月憲宗即位淮

冕王者冠也前旒天子垂珠飾邃延也自赫然

目以下故曰蔽明天子玉藻十有二旒

下明詔首罪誅共堯舜流共工于幽州放驩兜于崇山左傳曰帝鴻

氏有不才子子好行凶德天下之民謂之渾敦少

皞氏有不才子子崇飾惡言天下之民謂之窮奇

杜預注云渾敦驩兜也窮奇共工也順宗在東

宮時王伾王叔文皆詔直東宮遂大受幸及即

位二人更相倚仗以攘天權憲宗即位即與王

伾為開州司馬王叔文復聞顓天輩峨冠進鴻

漸謂憲宗任賢若周文王時也尚書曰惟文王

生泰顓南宮括註云五目佐文王為胥附奔走

先後樂侮之任始憲宗監國以杜黃裳為門下

侍郎素滋為中書侍郎並同中書門下平章事

及即位以杜佑攝冢宰又以鄭餘慶為尚書左

也疇類
班行再肅穆璜珮鳴琅璆

佇繼身觀烈邊封脫塊鏊四夷來王則邊封也下音

卓犖或以傾望枚阜鄒陽也謝惠連雪賦曰乃
置酒命賓友召鄒生延枚叟又謝靈運詩中

清文煥皇猷協心輔齊聖致理同毛輶

雅詠魚鹿食苹貴吟吟鳴食野之華毛云華萍

也鹿得華吻然而鳴相呼以興嘉賓相呼以

音平遺風邈不嗣豈憶常同稠言鹿鳴相呼之音

友子維在此高三位者不能繼之豈復思昔日同稠之

鯁祖述也陳留切晉劉失志早衰換前期擬蟬蛻

此壽公自謂失志未踰四十而顏色衰換不復可

長有角黑黃色叢生糞土中朝生暮死晉楚之

問謂之渠略澤雅云朝生暮死有浮游之義故

曰蟬蛻也上芳自從牙齒缺始慕舌為柔剛直

得子罪今始慕柔弱也劉向說苑曰常縱有病疾

老子往問焉張其口而示老子曰吾舌存乎老

也豈非然吾齒存乎齒之亡也豈非以其剛乎存

意是矣淮南子原道篇曰齒堅於舌而先為之

弊是故柔弱勝之也

因疾鼻又塞漸能等薰薰一舊十年尚猶有臭杜預註云薰香草猶臭漸幾也言幾能列香

草王逸註楚辭云茵薰也菜曰蕙根曰薰薰根曰薰草猶臭

水邊草也周切說文曰深思罷官去畢命依松楸松楸墳上所

栽者齊肅文曰空懷焉能果但見歲已適言空懷去

意而未能果也但觀時歲之道盡也補正平鸚鵡賦曰心懷歸而弗果宋玉九辨云歲忽忽而

適盡道非由切殷湯殷湯閔禽獸解網祝蛛蝥賈誼新書曰

四面張祝曰自天下者自地出者自四方至者

皆羅我網湯曰嘻盡之矣乃去其三面祝曰蛛

蝥作網欲左左欲右右吾請受其犯命昔士民

謂之蝥字說曰一面之網物觸而後誅之雷煥

知誅義也蝥迷浮切又音半虫食州根者雷煥

掘寶劍冤氣銷斗牛

雷煥字孔璋晉人也豫章

斗牛間聞雷孔璋妙達緯象乃要宿問天文
璋曰斗牛之間有異氣是寶物也精在豫章
城遂以孔璋為豐城令至縣掘深二丈得玉
長八尺開之得二劍其久斗牛之間氣不復見
孔璋乃留其一匣而進之劍至光曜燁燁煥
雷發後張華遇害此劍飛入襄城水中孔璋
亡戒其子常以劍自隨後其子為建安從事
淺瀕劍忽於腰間躍出遂視之見二龍相隨
今洪州鄱陽縣是也茲道誠可尚誰能借前
鄱陽之劍誰能於上前言之乎前漢張良對高
祖曰臣請借前箸以籌之張晏曰求借所食之
箸用相畫也殷勤謝友明明月非暗投言欲以
先容也前漢鄒陽書曰明月之珠以暗投人於
道人不按劍窮相眄何則無因而至前也郎
遊仙詩曰明月難暗投

暮行河堤上

古之作詩者多以首句名篇或別立名
以揔一篇之義首句名篇如何彼纔矣
皇皇者華或別立名以恣一篇之義如
常武大明後之述作者多取則焉此詩
傷時之亂所謂以首
句名篇者餘皆倣此

暮行河堤上四顧不見人衰草際黃雲感歎愁

我神

謝靈運鄴中曰風悲黃雲起註云黃雲謂兼塵埃之色以喻亂也

夜歸孤

舟卧展轉空及晨

詩曰展轉不寐註云卧而不周曰展轉

謀計竟

何就嗟嗟世與身

夜歌

歌者詩之永其言者也書曰歌永言此
歌之首見於書者也虞書乃賡載歌夏
書五子之歌舜琴歌南風皆是言之不
足故永言之然則歌者特詩之別稱而

後世遂以名篇餘皆敝此補註二篇正
元中所作德宗時強藩叛將羅列天下
所可憂者多矣而公且嘆計詩
之未就雖欲憂之非所力也

靜夜有清光閑堂仍獨息念身幸無恨志氣方
自得樂哉何所憂所憂非我力

重雲一首李觀疾贈之

李觀字元賓趙州贊皇人集有墓銘重
直龍切補註元賓與公同舉正元八年

進士以十年死於京師
當其疾時常有詩贈云

天行失其度陰氣來干陽陰盛陽微君弱重雲

蔽白日炎燠成寒涼白日喻君燠小人但咨嗟

君子惟憂傷有遠慮故憂傷於國也書曰憂暑

雨冬祁寒小民惟日怨咨詩曰君飲食為減少
子傷今而思古焉君子指觀而言飲食為減少
身體豈寧康此志誠足貴懼非職所當藜羹尚
如此肉食安可嘗太史公曰藜藿不糝顏師古
傳曰肉食者謀之窮冬百草死幽桂乃芬芳杜預六謂在位者
處窮冬而愈茂以况君子在且况天地間大運
隱約而平寬芬芳香氣也
自有常勸君善飲食鸞鳳本高翔楚辭曰獨不
翔乎大皇之野猶四極
而周迴見盛德而下

江漢答孟郊

唐史孟郊字東野湖州武康人舊史洛陽人集有墓誌
補註孟郊集有贈韓郎中愈二首其一云何以結交契贈君高山石何以保真堅贈君青松色貧交過

此外無可相彩飾聞君首鼠詩吟之淚
空滴又一首云碩鼠既穿墻又噬機上
絲穿墻有餘土噬然無餘衣朝吟拈桑
柘暮泣空杼機豈是無巧妙絲斷將何
施衆人尚肥華志士多飢羸願君保此
節天意當察微唐人詩和意不和韻此
詩豈公所答者耶公為此部郎中在元
和八年三月而郊以九年八月死則此
詩作於八年矣

江漢雖云廣乘舟渡無艱流沙信難行馬足常

往還

流沙西境之最遠者地理志以爲張掖居延澤是

凄風結衝波狐

裘能禦寒

凄風寒風疾風起而波興說苑曰千金之裘非

一狐

終宵處幽室華燭光爛爛

爛爛切協韻曹子建

七啓

啓曰華燭爛爛帷幙張舟苟能行忠信可以居

焉裘燭皆以喻忠信之具

夷蠻

論語孔子曰言忠信行篤敬雖蠻貊之邦行矣嗟予與夫子此義

每所敦

曹子建詩曰親交義在敦何為復見贈

續

續反復也續音遣下起阮民勞詩曰以續

長安交遊者贈孟郊

長安交遊者

關註此皆公未得志之所為也貧富各有徒親朋

相遇時亦各有以娛陋室有文史高門有笙等

笙等

同類而異名笙十三簧等三十六簧左思詩曰北里吹笙等

何能辯榮悴

且欲分賢愚

岐山下

一本作二首自丹穴五色以下為別篇

書君牙書蓋公嘗至岐山而作是詩山海經云丹穴之山有鳥焉五采而文名

曰鳳鳥是鳥也飲食自歌自舞見則天下大安寧自從姬且死千載闕其光壯

子美鳳凰臺詩所謂西伯今寂寞鳳凰亦悠悠

誰謂我有耳不聞鳳凰鳴也瑞應圖曰鳳凰仁鳥

者不剗胎至謁來岐山下日暮邊鴻驚言不聞鳳

鴻也琴操曰文王以紂時為岐侯躬修道德執

行仁義百姓親附其後有鳳凰街躬修道德執

郊文王曰商帝無道虐亂天下皇命已殺不得

復久乃作鳳凰之歌其辭曰翼翼翼翔翔彼鸞鳳

兮銜書來遠以命昌兮神連精合謀於房兮丹

穴五色羽其名為鳳凰山海經曰丹穴之山有

鳥狀如鸛五色而文名曰鳳首文曰德翼文曰

文曰信棲梧桐食竹寔是鳥自歌自舞見則

天下安寧爾雅曰距齊州以南南戴日為丹穴
璞註云詎去也齊中也又按倦游錄云南恩州
北其山壁立千仞有瀑布水飛下猿狖不能至
鳳巢于上彼人呼為山鳳鳳所食亦蟲魚遇大
風雨或飄墜其鵲小者猶如鳳凰所食亦蟲魚
截其觜謂之鳳凰盃古書鳳凰生於丹穴即南
方也子守恩平郡日嘗見其過前其後鳥鵲數
如導從狀所以為羽族之長者以其智能力遠害
逢時而出也東坡作鳳之徒助用此意也昔周有
繫繫五色羽炎方鳳之徒助用此意也昔周有
盛德此鳥鳴高崗彼高雅卷阿詩曰鳳凰鳴矣于
召交輔成王以致太平文公之詩言周有盛德
鳳凰再至高崗高崗即岐山在今鳳翔府城之
東有東湖即古飲鳳池也故東坡公詩云聞昔
周道興翠鳳栖孤嶺飛鳴飲此水照影弄鱗鱗
至今多梧桐合抱如鼓聃絳羽無復見上有鶴
搏鵲嗟余生雖晚好古意所好圖書已漫漶猶
復訪僑郊卷阿詩和聲隨祥風窈窕相飄揚
可繼此意久已舍

治世之風也孝經援神契曰德及八方則祥風至不為均註云即景風也方言曰美心為窈美狀

靜窈言開都聞者亦何事但知時俗康自從姬

旦死千載闕其光嗟鳳鳥之不至也音兵媚切吾君亦勤

理遲爾一來翔遲待也直利切

新刊經進詳補註昌黎先生文集卷第一